

Setar cu datacenter nobo



Setar ta enfoca riba cumpra un otro negoshi di IT, como cu e mercado no ta desaroya su mes na un manera faborabel. Esaki tabata e mensahe principal di director di Setar, Sr. Roland Croes, durante Setar Business Event, cu a tuma luga diahuebs ultimo, na Marriott Hotel.

Les mas riba pagina A8

Fiscal a existi 16 y 22 luna di castigo pa malversa casi 900 mil florin



Ayera mainta Fiscal a existi 16 luna di prizon pa Linda Tromp y 22 luna di prizon pa Vrimary Quandt, relaciona cu e caso di malversacion di casi 900 mil florin cu nan a haci na Departamento di Enseñansa. Tambe Fiscal a anuncia cu lo kita tur propiedad, cu ta sospecha cu nan lo a cumpra cu e placa, di nan.

Les mas riba pagina A5

Celebracion dia di independencia di Republica Dominicana



Ayera comunidad Dominicano na Aruba a expresa nan Dominicalidad durante e celebracion di e di 171 aniversario di independencia di nan pais. Riba plaza Dominicano Juan Pablo Duarte, por a sinti un ambiente festivo y patriotico, durante e celebracion.

Les mas riba pagina A2



Cuminsando cu 4 florin, bo por gana e suma grandi aki

Afl.

925.000,-

Obtenibel na cualkier rebendedo di Lotto.

sorteo ta awe nochi





Pronostico di tempo

ORANJESTAD – Pronostico di tempo ta indica cu tempo ta parcialmente nubia cu chens pa yobida isola y pasahero. Temperatura maximo ta 32° grado

y temperatura minimo ta 27°.

Tempo pa mainta: Poco nubia. Maximo: 32. Heat-index te 36°. Indice ultravioleta: 11.

Biento di oost alrededor di 22 nudo cu rafaga di 32 nudo.

Tempo pa anochi: Poco nubia te parcialmente nubia.

Leve posibilidad di awa despues di madrugada. Biento di oost alrededor di 20 nudo cu rafaga di 30 nudo. Posibilidad di awa menos di 20%. □



Bo cadena di numbernan di suerte ta duna e number di awe

Sorteo di 27 FEBRUARI 2015



joke, vette,



5 5 2 1

Signo: Piscis



6 5 5 2



3 7 8 2

8 3 3 9

6 7 2 7



04 10 18 19

23



02 04 08 14

Mega Ball
07



9 6 3 1

3 8 0 3

5 4 9 1

DIARIO

9 6 9 4

8 6 5 5

7 3 8 4

SUPER 4

3 5 4 8

“Dominicalidad” expresa durante acto protocolario na plasa Juan Pablo Duarte



ORANJESTAD – Ayera e comunidad Dominicano na Aruba tabata di fiesta, en conexcion cu e di 171 aniversario di independencia di nan pais.

E sentimento festivo y patriótico aki a keda refleha durante e acto protocolario cu a tuma luga dilanti di plasa Dominicano Juan Pablo Duarte na Playa. E “Dominicalidad” -manera Consul Dominicano Joselyne Rosario de Rosa a pidi na bispo di e fecha aki- a wordo expresa den su maximo splendor cu bandera di Republica Dominicana, poster di e tata di e nacionalidad Dominicano Juan Pablo Duarte; grupo folklórico Dominicano, musica Dominicano, bebida tipico Dominicano...

E tabata un ocasion special, caminda den nan discurso nan minister Paul Croes; diplomatico sra. Rosario de Rosa y sr. Adriano Miguel Tejada kende ta director di e corant Diario Libre, a resalta e logronan di e heroenan di



independencia Dominicano, y e hecho historico cu a conduci na e libertad di e pueblo Dominicano for di Haiti. Igualmente tanto minister Paul Croes como e Consul Rosario de Rosa a sa di expresa e lasonan di amistad entre e pueblo Arubiano y e pueblo Dominicano. Pero prome cu tur discurso a wordo duna, e pastoor Roberto Gracia hunto cu su casa a dirigi un oracion den cuadro di e ocasion special aki.

Minister Paul Croes

Minister Paul Croes a cuminsa su discurso bisando: “Mi gente Dominicana felicidades”, palabranan cu a cay den bon tera, ya cu e Dominicanonan presente a cuminsa bati man. El a destaca cu e heroenan independencia Dominicano a duna su energia y amor pa “un lucha sagrado. E buskeda di su propio identidad. Esaki ta e independencia di un patria”. Igualmente e mandatario a bisa cu riba nos

pida baranca ta biba mas cu 100 nacionalidad, caminda e diferente nacionalidadnan ta bibando den un forma “harmonioso, y nos kier sigui asina”.

Consul Dominicano

Consul Dominicano na Aruba a bisa cu su pais ta den pleno desaroyo y nan ta amante di libertad y un pueblo cu masha respet y habri. Nan ta bon situa den e concierto di e comunidatnan di nacionnan. “Es un pais que avanza con un clara visión que le toca jugar como un buen vecino y nación solidaria...”, el a bisa textualmente na Spaño.

Igualmente el a laga sa cu Aruba y su pais “ta dos nacionnan ruman”, y cu nan gobierno ta reafirma su compromiso di hermandad ...”

E periodista y representante di e comision permanente di celebracion patriótico di Republica Dominicana, sr. Miguel Tejada a bisa cu el a wordo invita pa e Consul Rosario de Rosa pa atende e acto protocolario organisa den e “hermosa isla” di Aruba. Tambe el a trece dilanti cu a bini pa papia di “un anochi magico di un personahe extraordinario y di un realidad cu a desafia e horcannan di e tempo di e dictadura y pobreza te hasta cu nan a bira un nacion respeta y respetabel”.

Reconocimento

Durante e ceremonia oficial



aki a tuma luga un acto di ponemento di ofrenda floral. Tambe e Consulado di Republica Dominicana a duna un reconocimiento na un grupo di hobennan Dominicano cu a destaca.

Igualmente Consul Rosario de Rosa a duna un reconocimiento special na e Dominicano Carlos Duval, cariñosamente conoci como “Carlito”. Varios aña pasa el a sufri un accidente pisa, caminda milagrosamente a logra scapa su bida, pero el a keda cu algun limitacion. Consulado Dominicano kier a honra Carlito pa su perseverancia, curashi y boluntad di trabou ya cu e ta un bon ehemplo di un bon Dominicano na Aruba. E reconocimiento aki a cay na agrado di tur esunnan presente. □



SKOA a ricibi 500 mil di gobierno

ORANJESTAD – Conforme decision di conseho di minister fecha 6 februari 2015, e suma pendiente di subsidio di presupuesto 2014 di SKOA a wordo entrega, e suma aki ta 500 mil florin, segun minister encarga cu enseñansa Michelle Hooyboer – Winklaar. Sinembargo SKOA no a bisa cuanto schoolgeld lo bira. Pendiente reunion riba esaki.

Manera publica anterior, sra. Hooyboer Winklaar a bisa cu e no por sostene e aumento di schoolgeld di 75 florin pa 125 florin. Minister ta pidi SKOA pa evalua esaki y pa tene na cuenta, un suma cu mayoria mayor na Aruba ta capaz di paga. Sra. Hooyboer

– Winklaar mes ta keda di opinion teniendo na cuenta e puntonan ariba menciona, cu un aumento rasonabel ta di 75 florin pa 125 florin. “Mientrastanto mi ta keda pendiente pa otro siman un reaccion di SKOA di esaki, como cu no ta cla ki decision lo wordo tuma awor cu a ricibi 500 mil for di gobierno.”

Werksternan

Pa locual ta trata e pago di e werksternan, e decision conforme conseho di minister ta cu esakinan ta wordo poni den e subsidio di SKOA pa 2015. Mirando cu e presupuesto pa 2015 ainda no a wordo aproba, e pago di subsidio pa e empleadonan aki cu “terugwerkende kracht” entrante prome di januari



2015, por tuma luga na momento cu tin e presupuesto 2015, segun sra. Hooyboer – Winklaar. Y a pidi pa SKOA manda tur dato di personal

relevante mientrastanto. Pa locual ta encera “voorschot” di 2015, departamento di financia a indica cu lo percura pa esaki mas pronto posibel.

Pa locual ta e verificacion di e “normbedragen”, lo tin un reunion dentro di un luna cu departamento di enseñansa riba esaki. □

Elmar

Cantidad di cas pa desconecta, mucho menos cu 10 mil

ORANJESTAD - Elmar a desmenti cu e cantidad di cas cu nan coriente mester wordo desconecta ta rond di 10 mil, manera treci dilanti den otro medio di comunicacion. “E cantidad aki no ta logico, pasobra esey ta casi un kwart di Aruba.

Tambe ta dificil pa duna ci-

fra, pasobra manera un hende paga e ta wordo conecta bek y ta wordo kita for di lista.”

Vocero di Elmar, Wanda Broeksema a bisa nos matutino cu e personanan cu tin problema pa paga, ta wordo recomenda pa habri un cuenta pre pago pa nan mes tin mas control riba nan consumo. Actualmente tin mas

o menos 1800 hende cu a dicidi pa haci uzo di cuenta pre pago. E ta algo cu hopi hende ta busca informacion riba dje tambe, mirando cu nan ta mira kico ta gasta mas coriente y nan por soluciona e problema cu pago mas facil. Otro persona tambe ta opta pa Elmar desconecta e coriente te ora cu nan por cubri e pago. □



Consul nobo di Venezuela na Aruba a atende su prome acto protocolario



ORANJESTAD - Diahuebs anochi sr. Alirio de Jesus Mendoza, kende ta e Consul nobo di Venezuela a yega Aruba pa cuminsa eherce su funcion diplomatico.

Bon Dia Aruba a papia cu drs. sra. Eleisah Williams di Departamento di Relacion Exterior di Aruba, kende a expresa su cordial bon bini na e Consul nobo di Venezu-

ela na Aruba. El a bisa cu desde fin di aña pasa nan tabata sperando e presencia di e diplomatico Venezolano na nos isla. Tur e documentonan di acreditacion di sr. Mendoza tabata cla for di aña pasa. Nos autoridadnan local te hasta esun di airport tabata bon informa di e yegada di e diplomatico Venezolano na Aruba. Sr. Mendoza a wordo

ricibi pa e director di e departamento di Relacion Exterior sr. Edwin Abath.

Prome acto

Ayera sr. Mendoza a bay atende su prome acto protocolario riba nos isla. E tabata presente den e acto oficial di e 171 aniversario di independencia di Republica Dominicana cu a tuma luga riba plaza Juan Pablo Duante na Playa.

E tabata compaña pa e Consul di primera sra. Anabel Lugo kende tabata consul encarga, despues cu e incidente diplomatico relaciona cu ex general Hugo Carvajal na mita di aña 2014.

Sr. Mendoza a probecha e acto protocolario organisa pa Consulado Dominicano na Aruba, pa asina sera conoci cu nos autoridadnan local y miembronan di e cuerpo consular acredita riba nos isla.

El a papia entre otro cu Consul di Colombia, sra. Mirsa Gnecco y cu consul honorario di Costa Rica, sra. Cecilia Arends.

Segun informacion cu e media aki a yega di publica, sr. Mendoza tabata alcalde di e municipio Guaicaipuro na Venezuela, y actualmente el a cuminsa funciona como diplomatico na Aruba. □



BON DIA Aruba

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #1330772

Hefe di Redaccion

Sharina Henriquez

Redactor Ehecutivo

Zulaica Maduro

Redaccion

Benjamin Romero
Nathalie Winterdaal
Yakari Gabriel
Nadien Philip
Margarita Els

Coreccion

Jaime A. Mata

Colaboracion

Ariën Rasmijn
Oscar Vidal
Masnoticia
NoticiaCla
Associated Press
New York Times
Ret Karibense

Fotografo

Alberto Arrindell

Ehecutivo di Benta

Brigitte Wauben (Hefe)
Marijke Croes-Luidens
Mark Gomes

Diseño Grafico

Michael Arends

Aviso y Arte

Sandra Loefstop
Lando Rafael
Gladis Palomino-Silva
Robert Cortez

Administracion

Xiomara Arends (Hefe)
Mariette Engelhart
(Hefe di Personal)
Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Yair Gambin
Francis Dirksz

Afiliacion

Sociedad Interamerica
di Prensa (SIP)

DIRECCION

Weststraat #22
Tel: 582-7800 / Fax: 582-7044
email: noticia@bondia.com
aviso@bondia.com
BON DIA ARUBA

Ta un Corant redacta y imprimi na
Aruba y ta obtenibel di Dialuna te
cu Diasabra. Ningun contenido
por wordo reproduci sin permiso
di Editor. www.bondia.com

Mester pareha desempleo cu crecimiento turistico

**ORANJESTAD - E cifran-
an di desempleo pa 2014 lo
wordo haci conoci den e
siman nos dilanti. Ta cal-
cula cu esaki ta alrededor
di 8%.**

Aruba ta conociendo dife-
rente inversion den hotelnan,

e cantidad di cambernan ta
calcula a base di un periodo
largo, mester wak esaki como
cu crecimiento exponencial.
Minister di labor Paul Croes
ta comparti e opinion cu e
desempleo mester pareha cu
crecimiento turistico.

Personanan mester wordo
educa y cambianan mester
bin pa por haci e match aki.

Na 2013 e desempleo tabata
7,6 y compara cu 2012 esaki
ta un mehoracion enorme
y kier mantene esaki. pa e
año aki ta calcula cu 300 pa

500 camber extra lo bin si e
proyecto di hotel cuminsa
manera plania, segun e tra-
bounan cuminsa lo bay mira
personanan cu no tin trabou
pa acomodanan den esaki te
unda cu por, prome cu mira
pa forza laboral den exterior,
e mandatario a finalisa. □

Aruba eligi como Vice Presidente di Asociacion di LGO



**ORANJESTAD - Un co-
municado di prensa di
minister Mike de Meza
encarga cu Asuntonan
Economico, Comunica-
cion, Energia y Medio
Ambiente ta informacu
Aruba a wordo elegi como
Vice-Presidente di OCTA.**

Sr. De Meza ta encabesando
e delegacion di Aruba na e di
13 forum di OCTA, e aso-
ciacion di paisnan y teritori-
onan special di miembronan
di Union Europeo - e asina
yama paisnan LGO. Segun
sr. de Meza automaticamente
esaki ta nifica cu na año 2016,
Aruba lo ta Presidente di di-
cho Asociacion.

Topiconan principal

Aspectonan relaciona cu in-
tercambio di conocimiento
y tecnologia, como tambe
retonan y causanan comun
riba tereno di sostenibilidad
tabata e topiconan principal
durante e conferencia Minis-
terial di dicho Asociacion cu a
tuma luga diahuebs 26 di feb-
ruari aki na Torola, BVI.

“Ta interesante pa observa
con paisnan cu ta fisicamente
asina diferente y leu for di
otro por tin tanto cos den
comun”, Minister de Meza a
bisa.

“E delegacion di Aruba a haci
un trabou excepcional. E vi-
sion di Gabinete Mike Eman
ta wordo admira serca tur e
demas paisnan participante”.
Durante e conferencia aki,



diferente gobiernonan LGO
for di region artico te cu trop-
ico tabata presente, hefenan
di estado y delegacion nan,
como tambe organisacio-
nan regional y institutonan
cientifico auspacia pa Union
Europeo tabata presente. E
conferencia a dicidi pa aloca

e fondo pa tur e LGO nan cu
componente tematico di 17
milon euro na e temanan di
Energia Sostenibel y Cambio
Climatico incluso reducion
di riesgo di desaster natural.

Green Faculty

“Aruba ta bin na remarke
pa un fondo di 13 milyon di
euro cu lo wordo aloca pa e
Green Faculty” Sr. de Meza a
indica. “E facultad universita-
rio nobo aki lo ta simbolo di
e economia di conocimiento
cu Gobierno di Aruba ta fo-
mentando. E lo ta un centro
di conocimiento riba inves-
tigacion y tecnologia ‘berde’
pa Aruba, pero tambe pa re-
gion. Ademas e ta pas den e

vision di Aruba como brug
entre e continentenan y re-
gion.” Ademas tin un fondo
regional pa e LGO nan den
Caribe di 40 milyon di euro
cu lo wordo reparti entre e
diferente paisnan LGO den
Caribe. E temanan principal
ta energia sostenibel y biodi-
versidad maritimo.

Den e mesun liña aki relacion
cu Union Europeo ta impor-
tante. “E relacion aki sin duda
ta duna un balor pa paisnan
LGO pa e region unda nan ta
localisa”, Minister de Meza a
ilustra.

“Colaboracion cu instanci-
anan y institucionan Europeo
tin como meta di trece un
sinergia den economia sos-
tenibel”, e titular di energia
a enfatisa. Minister de Meza
a dirigi e delegacion di Aruba
consistiendo tambe di e rep-
resentante di Aruba pa Union
Europeo, Cedrick Tilma. □



Fiscal ta condena totalmente loke a sosode

Entre 16 y 22 luna di prizon existi pa empleadanan cu a malversa casi 900 mil florin na Departamento di Enseñanza

ORANJESTAD – Linda Tromp y Vrimary Quandt ayera mainta a scucha Fiscal existi 16 y 22 luna di prizon pa e malversacion na gran escala cu nan a haci na Departamento di Enseñanza. Ademá Fiscal a anuncia cu nan por spera un caso financiero caminda lo bay demanda pa kita propiedadnan cu ta sospecha cu nan lo a cumpra door di e placa cu nan a malversa.

Exigencia di fiscal

Tratamento di e caso a dura hopi largo y pa duna un bon imagen di e caso, Bon Dia Aruba a publica tratamento di e caso den un articulo y e exigencia di Fiscal den e articulo aki.

Fiscal a bisa Hues cu e manera cu e caso a bin dilanti ta momento cu 25 juli 2014 e director di Departamento di Enseñanza a haci denuncia di fraude contra Quandt y Tromp. Departamento di Finanza a hala director di Departamento di Enseñanza su atencion riba esaki. A muestra cu tin pagonan no explicabel tabata tuma luga y si lo por controla. Na opinion di Fiscal, ambos ta responsabel di fraude di mas o menos 900 mil florin.

El a splica cu un estudiante por haci peticion pa financiamiento di estudio na Aruba den region of Hulanda, Canada. Departamento di Enseñanza ta encarga cu esaki y despues di evaluacion e estudiante por haya e financiamiento. Esaki ta e departamento caminda e sospechosonan ta traha. Fiscal a muestra cu segun e procedura, e pagonan normalmente ta sosode dos bes pa aña. Antes ta e director mes tabata regla tur cos. Despues e empleadonan ta traha e orden di pago y e director ta firma esakinan. Esunnan na Departamento di Finanza no por controla e ordennan di pago pero simplemente ta haci e pago cu nan ta haya orden pa paga. Nan ta spera cu e ordennan no ta falsifica.

Un a haci 28 malversacion

Fiscal ta haya cu e sospechosonan Tromp y Quandt a abusa di e confianza cu a pone den nan pa traha e ordennan di pago. Nan tabata yena number di personanan cu en realidad no tabatin derecho di

haya pago. A bay asina leu cu tabata falsifica hasta e firma di e director. El a bisa Hues cu algun di e ordennan a keda presenta den Corte pa demostrar nan culpabilidad, pero en realidad tin hopi mas orden di pago cu nan a falsifica.

Fiscal a bisa cu Tromp a admiti su culpabilidad pero esey so no ta suficiente. Tin tambe declaracion di su yiu cu a bisa cu nunca el a biba na Merca. E director tambe a bisa cu e ordennan di pago ta falso. E codigonan riba e ordennan ta pertenece na otro persona. Door di esaki por afecta e persona cu lo tin e financiamiento. Tromp a haci 28 orden falso durante 1 aña y 8 luna largo entre 2012 y 2014. Mas cu 316 mil florin a wordo paga.

Otro a haci 77 malversacion

Fiscal a muestra cu Quandt a admiti di a haci fraude y su caso ta mas serio. Dos ruman muhe tambe ta involvi pasobra Quandt a manda placa riba nan cuenta di banco. Desde 2006, Quandt tabata activo. Investigacion ta muestra cu desde 2010, Quandt tabata uza su mesun orden di pago di su estudio pa paga su mes di mas caminda e tabata traha orden falso y haci firma falso di e director. Na juni 2013 el a haya un refinanciamiento di su estudio door di minister y esaki ta e unico legal documento cu Fiscal ta considera legal compara cu tur e otro documento cu a investiga. Tur e otro nan ta falso. Desde 2006, 77 orden di pago falso Quandt a haci y a haya mas cu 580 mil florin. E dos rumannan a bisa cu nan tabata sa cu e tabata studia y tabatin financiamiento pero no tabata procedencia di e placanan. Nan a pone nan cuenta di banco disponibel. Quandt a uza su rumannan, pero Fiscal a bisa cu e rumannan lo no wordo persigui. Investigacion amplio haci ta muestra cu nan ta culpabel di malversacion. Fiscal a bisa Hues cu aunke no por kere cu pa tur añanan, nan no por prueba cu nan ta complice y p'esey no por bisa cu nan ta complice.

Abusa di confianza

Durante añanan largo nan a falsifica documentonan di



gobierno cu normalmente mester confia cu nan ta correcto. Nan a abusa di e confianza y a bay asina leu di falsifica firma di e director. Fiscal a splica cu e director cu tin 40 aña trahando, a keda afecta pa e hecho aki. E no por a kere cu a abusa di su confianza di e forma aki. Fiscal a muestra cu normalmente hopi Arubiano kier bira ambtenaar pasobra nan ta considera esaki un trabou fiho y responsabel. Pero e dos sospechosonan aki a abusa di nan funcion. Nan a duna un mal imagen di ambtenaar y a abusa di cuenta di otro hende. Injustamente nan a horta placa di caha di Gobierno. Fiscal ta haya cu nan a pone estudio di otro studentenan na peliger ya cu tin 900 mil florin menos. El a bisa cu e sospechosonan ta bisa cu nan tin confianza di haya un trabou pa paga bek. Esaki ta hopi bunita pero na opinion di Fiscal no realisabel.

Castigo

Fiscal a splica cu Corte na Hulanda tin un linea di maneho pa castigo pa fraude. Ministerio Publico ta uza e linea di maneho aki. Ministerio Publico a cambia e cantidad di Euro pa Florin. Segun e maneho, ta depende e cantidad di placa cu a fraude y tin diferente tarifa. El a bisa cu e ta tene cuenta cu ambos ta first offender. Nan a gasta tur e placa. Pa Tromp, Fiscal a existi 16 luna di prizon y pa Quandt 22 luna di prizon. Tambe Fiscal a anuncia cu lo bay cuminsa un caso finan-

ciero pa kita propiedadnan.

Fiscal a expresa encanto e situacion na humanitario KIA. El a bisa cu e ta comparti punto di bista Hues den e sentencia di un muhe preso, caminda Hues a bisa cu Gobierno mester percura pa cuida corecto di presonan. Esey no kiermen cu e sospechosonan aki no mester ta cera, pero si e

situacion sigui mesun cos, lo mester tuma medida. Fiscal a bisa cu Hues a keda di bay wak aki 2 siman con e situacion ta. Si e situacion keda mesun cos el a pidi Hues pa bolbe habri e caso pa evalua e situacion humanitario y pa bay tene un evaluacion na KIA pa determina e situacion y mira con e castigo lo mester ta pa e dos sospechosonan. □



GOURMET BURGERS & BARREL AGED COCKTAILS

- DAILY SPECIALS
- FREE & AMPLE PARKING
- 6 FLAT SCREENS
- BARREL AGED COCKTAILS

- FREE WIFI
- 6 ICE-COLD DRAFT BEERS
- KIDS MENU & KIDS CORNER
- ARUBA'S LARGEST BOURBON SELECTION

OPEN DAILY:
SUNDAY - THURSDAY FROM 8:00 AM - MIDNIGHT
FRIDAY & SATURDAY FROM 8:00 AM - 1:00 AM

LOCATED AT RENAISSANCE (SEAPORT) MARKETPLACE ACROSS THE OCEAN SUITES | DOWNTOWN ORANJESTAD
L.G. SMITH BOULEVARD 9, ORANJESTAD, ARUBA | TEL. +297 588 5511 | INFO@SIDEBARARUBA.COM
WWW.SIDEBARARUBA.COM



Maroeschka Cornelie di directiva di Simar

Maestronan lo ta mas sigur siendo miembro di Simar

ORANJESTAD – Miembro di e directiva di e Sindicato Simar, Maroeschka Cornelie a mostra riba importancia pa e maestronan ta afilia na e sindicato aki.

E ta relata cu desde mei 2014 cu e directiva actual a sinta pa e temporada sindical di 2014 pa 2016, Simar a haya su mes ta atende masha hopi caso mes pa diferente maestro. Casonan relaciona cu diferente aspecto cu ta encera entre otro abuso di poder, intimidacion, pago inhusto y abuso, negligencia y trapamento di derecho di trahado.

Tin mas o menos 1500 maestro na Aruba cu ta traha den tur tipo di enseñansa desde preparatorio/basico te na Universidad di cual te ainda no tur ta mira e necesidad y importancia di ta miembro.

Sosten

Durante e ultimo lunanan, Simar a haya su mes confronta cu maestronan, mayoria hoben, cu a haya nan den problema na trabou, pero cu nunca a inscribi como miembro di Simar. Den e casonan

aki tabata tin varios cu hasta a ser kita inhustamente for di trabou. Mas cu claro pa ricibi asistencia e personanan aki mester a bira miembro inmediatamente y a exigí di mara nan na algun aña di miembresia. Directiva no a nenga di duna nan sosten y a duna su maximo pa nan, pero logicamente e ayudo aki ta limitador di no a contribui ainda.

E ta haya cu den e crisis cu nos pais ta actualmente, caminda ta papia hopi di ahustacion, ehercicio y medida, maestronan cu ainda no ta miembro di Simar, mester para keto un rato y pensa bon si nan ta inscribi como tal. Den caso cu Simar haya nan mes ta para pa nan derecho, por ehempel pa posibel ahustacion di indexering y gelijkbedrag, manera Minister di Finansa a laga sa, of pa ahustacion di nos salario, cual tin mas di 35 aña tranca, un maestro lo ta mas sigur siendo miembro di Simar.

Hopi maestro ta kere cu pasonan ta traha den un bon ambiente, nunca nan lo haya nan mes confronta cu problema. Realisticamente mira, nos tur

den enseñansa mester ta na haltura cu un cambio minimo por causa problemanan grandisimo cu por hasta costa bo bo pan di tur dia.

Tambe nan por ripara cu masha hopi maestro no conoce nan derechonan cu ta causa cu abuso ta tuma luga tur dia. Abuso cu hopi no ta kere ta tuma luga aki na Aruba. Incluso hopi ta gasta na material pa nan lesnan, nan klas y nan alumnonan, sin sa cu esaki no ta nan deber.

E maestro cu a drenta enseñansa durante e ultimo añanan y esnan cu lo drenta ainda, tin un salario cu den pasado tabata un soño, un posicion huridico “de primera”, tin benefician secundario cu na otro paisnan manera den caribe ainda nan ta lucha pa ricibi y ta hayando bashipremie y gelijkbedrag. Cu otro palabra, hopi no mester a welga, manifesta y lucha pa e derechonan cu awe nan tin.

E tres contestanan mas popular cu Simar ta haya ora cu acerca un maestro pa bira miembro di sindicato ta: “mi por uza e placa di miembresia

pa otro cos”, “ami no tin problema na trabou”, “Simar no ta haci nada pa mi” y “mi no ta gusta politica y Simar ta berde”. Pa aclaria: Cada miembro di directiva tin su color politico, esaki ta obvio. Pero Simar como sindicato, no tin color politico.

Miembresia

Un miembro afilia na Simar ta paga (solamente) 1% di su salario bruto riba un base mensual na contribucion. Pues e maestro mas hoben ta paga +/- Fls 22,= y esnan mas grandi ta paga Fls 30,=/ Fls 35/ Fls 40,=, etc. Hopi pa bo derecho ta cubri?? Hopi pa sostiene esnan cu ta para PA BO y pa enseñansa?

Estudiante di IPA tambe por afilia y ta paga menos tanten cu e ta studia.. Suma cu ta cubri entre otro actividadnan social, actividadnan di formacion pa su mes persona. Banda di otro gastonan operacional, e fondo di Simar ta pa cubri gastonan necesario pa casonan huridico y pa un eventual welga (p.e. pa cubri pago di dianan cu un miembro perde si e welga). E cantidad di casonan cu ta drenta

PA SIMAN na Simar ta demostra cu e situacion ta preocupante (of hasta alarmante).

E directiva, consistiendo di solamente 5 persona, ta atende diferente aspecto cu ta regarda e posicion huridico di tur maestro, incluso esnan cu no ta miembro, cu tambe ta gosa di tur logro y tur beneficio. Un bon ehempel ta balor di e diploma obteni aña pasa pa varios docente di enseñan Simar di un principio ta trahando riba esaki y ta casi keda cla cu negociacion pa e personanan aki, miembro y no miembro haya nan derecho.

Tambe e directiva ta atende asuntonan cu ta regarda enseñansa en general, entre otro ta reuni structuralmente cu Minister di Enseñansa y Director di Directie Onderwijs. Banda di tur esaki directiva ta reuni cu varios comision y ta participa na diferente “werkgroepen”.

Tur cu bista riba miho pa enseñansa y e maestro su bienestar. Pues un yamada ta bay na tur maestro cu no ta miembro ainda, afilia na Simar, e unico sindicato di maestro aki na Aruba. □

Pa prome biaha di bishita

Bus di Salud a pasa Seroe Patrishi

ORANJESTAD – Gobierno di Aruba, den un comunicado di prensa ta conta cu habitantenan di Seroe Patrishi a haya bishita pa prome biaha di Bus di Salud. Esaki a tuma luga den cuadro di Accion di Barrio di Prome Minister Eman diahuebs ultimo.

E dokter encarga cu Bus di Salud for di inicio ta dr. Luis Arango, kende den e ultimo 2 añanan a atende masha hopi ciudadano cu ta pasa na e bus pa un check-up rapido y si e ta algo serio, e pashent ta wordo referi na su dokter di

cas. Bus di Salud a wordo introduci pa yega mas cerca di e ciudadanonan y traha den forma preventivo riba malesanan cronico na Aruba. Nan ta satisfecho ora tur siman ta bishita un otro barrio pa conscientisa tambe e ciudadanonan riba nan salud.

For di momento cu e Bus di Salud a staciona na inicio di e compleho di casnan di FCCA na Seroe Patrishi, e ciudadanonan cu tabata na cas a cuminsa yega pa haci nan check-up y pa banda di 12’or di merdia ya caba a atende casi 100 pashent, locual ta un cantidad grandi.

Haci esfuerso

“Esaki ta un bon reaccion si tene na cuenta cu den oranan di mainta mayoria di e habitantenan ta laborando. Nos a topa cu ciudadanonan cu a haci un esfuerso pa wordo examina pa e profesionalnan di Bus di Salud,” dr. Arango a comenta. Ta tumando entre 5 pa 10 minuut pa atende cu cada pashent. Den e Bus di Salud e pashentnan ta wordo atendi door di un funcionario cu ta tuma nan datonan y nan midinan, mientras cu e dokter ta checkpresion, test sucu y colesterol. Ta tira bista principal-

mente riba sintomanan di malesanan cronico manera desbalansa den comemento cu por causa colesterol haltu y pashentnan diabetico cu no tin un control adecuado riba nan malesa.

Tur e pashentnan ta haya informacion riba e forma di come tanto pa e malesa cu nan tin como pa un bon condicion en general. Ademá di recomendacionnan, ta ofrece pashentnan pa haci un control nobo den e siguiente evento di Bus di Salud. E Bus di Salud ta yuda ciudadanonan cu hopi biaha no kier of por bay nan dokter, controla

nan malesa y asina constata cu tin algo cu no ta bon, nan ta wordo conseha pa bishita nan dokter di cas sigur pa por haci testnan mas profundo.

Yegando 20% di poblacion

Den e dos añanan cu e Bus di Salud tin coriendo rond Aruba, a atende 13 mil pashent, superando e 10% di e poblacion y ta yegando 20%. E datonan cu nan tin compila ta demostra cu mayoria di esnan cu ta haci uzo di Bus di Salud ta personanan entre 40 y 64 aña, mientras cu un 65% di esnan cu ta wordo atendi ta hende muhe. □

CRYSTAL Casino

FRIDAY WEEKEND CASH, CASH IS KING!

SATURDAY CRYSTAL CASH GIVE AWAY

SUNDAY CASH BACK SUNDAY & 4X THE POINTS

VISIT OUR PLAYER CENTER FOR MORE INFORMATION & PROMOTIONS.

Management reserves the right to change or cancel any promotion - *Must be 18+ to participate in any promotion* - *Must accumulate 25 points during the week to be eligible to participate*

Discutiendo ehecuracion di leyman laboral



ORANJESTAD - Den e siman cu a pasa tabatin reunion entre minister encarga cu labor Paul Croes, WAB y Sindicato di trahadonan Arubano (STA). Den e reunion a discuti e cambianan di ley implementa na 2013, y con esaki a bay den practica. E reunion bay den bon ambiente.

WAB ta representa e traha-

donan di construccion na Aruba. "Un sector hopi grandi." Diego de Cuba presidente di STA a bisa cu discusionnan treci na mesa tabata sano. Sr. Croes a bisa cu a haci evaluacion riba e cambionan di ley na 2013 manera, con e ta wordo ehecuta na e momentonan aki, con e implementacion ta bayendo y si esaki a yuda e seccion of e ta contra productivo. A papia riba e parti cu gobierno

no mester ta un obstruccion den e productividad aki entre otro. Diahuebs tambe tabatin reunion cu ATIA y AHATA riba evaluacion di ley. Den caso cu mester bin cambionan den leyman laboral, esakinan lo bay den forma di tripartiet, teniendo cuenta tur partido. Finalizando sr. De Cuba a bisa Bon Dia Aruba cu e cambianan proponi ta faborece compania, sindicato y gobierno. □

Preventief fouilleren

Riba posesion di arma di candela na Sabana Basora y San Nicolas

ORANJESTAD - Lo haci Preventief Fouilleren riba posesion di arma di candela na Sabana Basora y San Nicolas. Esaki Ministerio Publico y Cuerpo Policial di Aruba ta informa.

Segun ministerio un parti a wordo a punta pa Fiscal Mayor, despues di a wordo autorisa pa Huez-Comisario, como area di riesgo di seguridad (veiligheidsrisicogebied). Ministerio Publico y KPA a establece un cantidad di fecha, riba cual polis lo fouilleer preventivamente pa posesion di arma di candela

den e areanan aki.

Fechanan pa preventief fouilleren

Lo ta riba diabierna 27 februari 2015 di 6or di anochi te diasabra 28 februari 2015 pa 6or di mainta, diasabra 28 februari 2015 di 6or di anochi te diadomingo prome di maart 2015 pa 6or di mainta, diaranzon 4 maart, diahuebs 5 maart.

Tambe riba dia diahuebs 12 maart, diamars 17 maart, diahuebs 19 maart, dialuna 23 maart, diaranzon 25 maart, diahuebs 26 maart, dialuna

30 maart en diamars 31 maart 2015 di 12or di merdia te 12or di anochi. Riba diabierna 6 maart 2015 di 6or di anochi te diasabra 7 maart 2015 pa 6or di mainta. Diabierna 13 maart 2015 di 6or di anochi te diasabra 14 maart 2015 pa 6or di mainta. Tambe diabierna 20 maart 2015 di 6or di anochi te diasabra 21 maart 2015 pa 6or di mainta. Diabierna 27 maart 2015 di 6or di anochi te diasabra 28 maart 2015 pa 6or di mainta y diasabra 28 maart 2015 di 6or di anochi te diadomingo 29 maart 2015 pa 6or di mainta.

Problema na Sabana Basora

Manera Bon Dia Aruba a publica prome, tabata tin un grupo di hoben hopi grandi causando panico na Sabana Basora, pa varios luna e grupo di mucha, ta papia di un cantidad di 30, entre 10 pa 15 aña ta comete vandalismo riba casnan y despues ta rondona e victimanan cu menasa haciendo asina e bida den barrio casi imposibel. E habitantenan a expresa cu nan ta sinti nan mes hasta prizonero den nan propio cas y hopi di e muchanan aki ta cana arma.

E area den cual por fouilleer preventivamente riba posesion di arma di candela, a wordo a punta pa fiscal, despues di autorizaicon di Huez-Comisario a base di articulo 12 lid 2, 13 lid 2 en 14 lid 2 di Ley di Arma di Candela (Vuurwapenverordening). Polis tin den e area di riesgo di seguridad aki e autorisacion pa para hende y rista nan preventivamente na nan paña, pa habri pakinan di cosnan y investiga e contenido di esakinan y pa investiga vehiculonan riba posesion ilegal di arma di candela. □

Cambio pa compensa perdida den telecom

Setar ta bay den IT tambe cu un 'datacenter' nobo



ORANJESTAD – E situacion di aña pasa ta algo cu Setar ta compara cu e añanan 2009/2010. E mercado no ta desaroya su mes asina faborabel, clientenan (comerciante tambe) ta wardando pa inverti den telecom. Pues Setar awor ta enfoca riba otro strategia: cumpra otro negoshi y servicionan di IT.

Esaki ta e mensahe principal di director Roland Croes riba e evento anual di e compania, Setar Business Event cu ta tuma luga diahuebs na Marriott Hotel. Manera ta custumber, e compania di telecom den man di gobierno no a organisa esaki pa su clientenan comerciante, unda ta informa riba e resultado di e aña anterior y ta tira un bista riba e futuro desaroyo.

E resultadonan financiero duna no ta hopi specifico. Bon Dia Aruba ta puntra sr. Croes dicon Setar no ta duna e cifranan di con a bay cu e ganashi, entrada y gastonan pa 2014. E ta contesta cu tin un par di competidonan riba e mercado locual y pa motivo ey no ta kier divulga cifra. E ta remarca cu e competidonan tampoco ta publica nan cuenta anual. Bon Dia Aruba puntra si Setar como compania publico (den man di gobierno), no tin e obligacion pa ta mas transparente y asina por responsabilisa su mes pa comunidad. E director ta contesta cu lo pensa riba esaki.

Pero pa 2014, ta resulta cu financieramente e contribucion pe fondo di Apfa tabatin un efecto grandi (negativo) riba e resultadonan di Setar. 14 miyon florin tabata e suma contribui pa asina e fondo di pensioen por cumpli cu e plan di reformation obligatorio, pa yega e nivel di 100% di cobertura di e fondo. Desde cu e fondo ta cay bou supervision di Banco Central, tin un plan di reformation cu tur e miembro dunadonan di trabou mester sigui tambe. Ta conoci cu

gobierno mester a contribui cu 170 miyon florin, pero e otro dunadonan di trabou tambe mester a contribui. Banda di gobierno, Setar ta un di e clientenan mas grandi di Apfa y esaki a resulta den e contribucion miyonario. E compania tambe ta informa cu un 5% di nan personal a opta pa bay cu pensioen mas trempan, cual tambe a trece e gastonan extra.

Pero segun director Croes, esaki tabata necesario pa riba termino largo por probecha di e cambionan aki. E cambio entre otro, tambe ta e hisamento di e edad di pensioen.

Cumpra negoshi

Director Croes tambe a menciona cu den mundo di telecom e desaroyo ta pa companianan bay hunto pa sobrevivir, sea ta cumpra otro. E mercado mes di telecom ta uno dificil. Na Aruba Setar tambe a experiencia cu por ehempel e uzo di data celular a crece exponente, pero esaki no ta traduci su mes bek den entrada pe compania. Aplicacionnan manera Whatsapp y Skype tampoco ta duna e compania e ganashi y netamente ta come den e entranan di otro servicionan



(yamada etc.) cu semper ta e curason di entranan di un compania di telecom.

Pues ta necesario, locual cu e director ta bisando pa mas aña caba, pa busca otro modelonan di negoshi. Bon Dia Aruba e ora a puntra director Croes si den e desaroyo di cumpra, e kieren cu Setar mes ta cumpra of ta wordo bendi. Su contesta ta cu Setar ta bay den e direccion di cumpra. Ora a puntra pa specifica, e ta bisa cu no por, pasobra no ta suficiente concreto ainda. Pero si ta bira cla, cu Setar ta papiando cu gobierno pa wak si por tuma over cierto servicio di IT. Gobierno tin su IT den man di departamento DIA. Sr. Croes a bisa Bon Dia Aruba cu ta papiando pa wak con 'por yuda' gobierno. Bon Dia Aruba a compronde di otro fuente tambe, cu Setar ta negociando pa realmente 'cumpra' DIA y e ora tuma over e servicio di IT pa gobierno.

Cumpra un otro negoshi no ta nada nobo pa Setar. A cumpra Telearuba den pasado y tambe Cabel TV. E ultimo negoshi a resulta un bon inversion, pasobra e tabata un di e companianan di Setar cu a crece aña pasa, e director ta bisa. "Tur ora nos ta wak cua negoshi nos por aña, cu por yuda e compania." Esaki a conduci na e pregunta si Setar realmente ta bay tuma over Post Aruba tambe locual gobierno mas o menos

a fia den su maneho caba pa 2015. Sr. Croes no kier bisa mucho riba esaki, solamente cu Setar y gobierno ainda ta den discusion riba esaki.

Cambia

Manera a menciona Setar e aña aki ta bay concentra riba otro negoshi, esta servicio di IT. Pues no solamente di telecomunicacion mas. Esaki ta nifica cu e aña aki lo inverti den un datacenter nobo cu memey di aña mester ta cla. Director Croes ta splica cu no ta trata di un inversion grandi y ta basa riba e demanda di e mercado local. Pues no ta manera na Corsou, unda a haci un inversion hopi grandi den un datacenter nobo, pa tambe por facilita demanda nan di negoshi internacional. Por mira cu Setar ainda ta un tiki reserva pa bay den e direccion aki. Lo enfoca mas riba e 'necesidad' di negoshi na Aruba, asina e director di Setar ta bisa. Pues lo kier cuminsa hosting, servicionan di cloud, warda data e.d. y tambe otro productonan basa riba esaki.

Despues e discurso di sr. Croes, e Mericano Ian Altman a papia. E ta un experto riba tereno di benta y ta conoci pa su strategia innovativo. Su mensahe: no enfoca riba e benta, pero riba e resultado di bo cliente. Asina bo lo yega na un relacion mas duradero, en bes di solamente bende algo pe momento so. □



Relojes
Pulseras
Cadenas
Dijes

Nos ta graba
tur sorto di
articulo
di metal
yama of
bishita nos

Tanki
Leendert 178-A
Tel: 587 3940
Fax: 587 2478
Cell 592 9055
email: adalbertovilla@live.com

"COMPRA Y VENTA"

Bachue
Joyeros

**Compramos
Vendemos
Arreglamos todo tipo de Joyas
Contamos con un Buen Surtido de
Pulseras y Baterias para Relojes
Habri di Dialuna pa Diasabra
9:00am pa 1:00pm y di 2:00pm - 6:00pm**

Abo!

**No tin tempo
pa Laba y Seca bo
Pañanan!**

Pasa y Laganan na:

AQUA
LAUNDRY

Habri di Dialuna pa Diasabra
7:30am non stop 7:30pm
Diadomingo de 9:00am - 1:00pm

Tel: 587 0772





De Palm Island March Special

- * Mester presenta ID local valido cu cada compra (pa adulto y mucha).
- * Oferta valido desde 1 di maart te cu 31 di maart.
- * Cumpra entrada na Port De Palm (De Palm Island) of na De Palm Tours Sales Center riba L.G. Smith Blvd.
- * Pa mas informacion yama 522-4500.



No por wordo combina cu ningun otro oferta.

f / DePalmIslandAruba

Atracadonan a agredi trahado na caminda
pa bay deposita mas cu 100 mil florin



ORANJESTAD – Diabierna atardi, un trahado di Satex Agencies a staciona e pickup patras di Aruba Bank den caya principal. Ora cu el a baha, dos homber arma a agredie.

E trahado tabata na caminda pa deposita e benta di dia na banco, cual tabata un suma riba 100 mil florin. El a lucha cu e atracadonan, cu tabatin nan cara tapa. Segun e victima su version na polis, el a lucha cu e atracadonan, cu a agredie na su cara.



Recherche di atraco team tambe a acudi na e sitio pa haci nan investigacion y Ambulance tambe a yega pa haci un check up cu e persona aki. E pistol a keda den e baki di pickup, riba algun caha y tabatin un pistol di airsoft y esaki tambe a wordo confisca. □



Homber bati patras di Dimas

ORANJESTAD – Diabierna mainta trempa, banda di 5or di mainta, polis a wordo manda pa Koningstraat, patras di Dimas. Aki tabatin un homber tur na sanger benta abou.

Patruxa a yega di biaha y en berdad a topa cu a homber. Aparentemente un persona lo a agredie banda di Dimas nobo den Paardenbaaistraat, y el cana bay, pero debi na e golpinan cu el a ricibi, e no por a cana mas. Ambulance a presenta na e sitio y a transporta e victima pa hospital. □





Homber tabata agredi su pareha formalmente

ORANJESTAD – Diabier-na atardi, a surgi un problema entre un pareha, na nan apartamento den Caya Frere Bonifacius.

Habitantenan cu a scucha e desordo pisa cu tabatin,

como cu e homber tabata batiendo su pareha masha pisa mes, a yama polis pa pidi asistencia cu urgencia. Patruxa a presenta na e apartamento masha lihe, y aki a topa cu e mama a bin busca su yiu, pa

saca tur su pertenencianan, ya cu e ta cansa cu e homber ta keda bati su yiu muhe constantemente.

Polis a intermedia entre e pareha, y e mama yuda su yiu muhe sali di e apartamento. □



Diadomingo awo prome di maart 2015:

Caminda pa aeropuerto lo ta cera for di 6or pa 8or di mainta

ORANJESTAD – Aruba Airport Authority N.V. (AAA) ta informa cu diadomingo awo prome di maart 2015, lo tuma luga un ¼ mara-thon cu lo pasa dilanti di aeropuerto den oranan di mainta.

Cuerpo Policial a informa cu lo cera e caminda cu ta pasa dilanti di aeropuerto di 6or pa 8or di mainta. Esaki ta nifica cu pasaheronan cu mester biaha riba e prome vuelonan cu ta sali pa Curaçao lo mester check-in durante e mesun ora.

AAA ta conseha pa pasaheronan cu lo ta riba e vuelonan menciona pa tene esaki bon na cuenta y pa considera pa sali un tiki mas trempan for di cas y haci uzo di e rutanen alternativa cu polis lo desvia trafico normal cu ne durante e oranan menciona. □

Cabay laga atras benta riba caminda dilanti Dump

PARKIETENBOS - Den oranan di diabierna marduga na e entrada di dump na Parkietenbos, por a mira un cabay morto, benta riba caminda publico, pa un persona desconoci.

Mainta a habri y tur hende a tuma nota di e animal aki. E cabay tabata un obstaculo fastioso pa e entrada di dump. Te ainda no ta conoci ken a laga e cabay morto aki benta riba caminda. □



Blanco cu oro, blauw cu preto?

Un shimis a kibra internet hungando cu luz

ORANJESTAD – Tin un shimis cu a kibra e internet ayera pasobra niun hende no por dicidi ki color e ta. Algun hende ta wak e blanco cu oro of blauw cu preto. Pero tin ciencia tras di esaki y no, mundo no a bira loco. Dependiendo di unda un persona ta, e lo mira e shimis den otro color.



Un articulo di wired.com ta bisa, desde tempo cu Monica Lewinsky tabata na The White House, niun shimis blauw a yega di causa tanto drama. Tur hende riba me-

ta programa pa hala un banda informacion di kico ta iluminando obheto y saca e informacion di e refleho actual” Jay Neitz cu ta un cientifico na e universidad di washing-

e sistema visual ta wakiendo e cos aki anto e ta purba desconta e bias chromatico di luz di dia”. Bevil Conway cu ta un neuro científico cu ta studia color na Wellesley College ta bisa. Pues algun hende ta desconta e parti blauw y pa e motibo ey ta caba na wak blanco y otro of nan ta desconta e parti oro y pa e motibo ey nan ta wak blauw y preto. □

The BuzzFeed post about THE DRESS is breaking the Internet and setting new traffic records for us. It drew more visitors to our site at one time than ever before. At one point tonight (ET) more than 670,000 people were on BuzzFeed.com simultaneously, 500K of those on mobile, and half of those people were reading the dress post. Over 10M people have read the post so far, and almost 900K have taken our poll. Currently, 74% of readers see a white and gold dress. Only 26% see black and blue.

By 9pm the debate and our post were the top trending topics on Twitter. It didn't take long for celebrities to join the debate, including Taylor Swift, Mindy Kaling, Julianne Moore, Jaden Smith, BJ Novak, Julia Louis-Dreyfus, Demi Lovato, Anna Kendrick, Ellen DeGeneres, and Allison Williams.

Our science editor explains why people might see different colors [here](#), and BuzzFeed News gets an answer

I see it as white and gold. My friend right here sees it as blue and black. I CANT HANDLE THIS

if that's not gold my entire life has been a lie

I am seeing Blue and Black, how are people seeing it different? Is there some sort of mind sorcery happening here? :o

Okay, wtf

i just saw it as gold and white which was weird bc earlier it was blue and black so i thought maybe ye were fucking with me but i went to reblog and now its blue and black again?!?!

I AM GOING TO CRY


My class just had a debate over this. Half sees black and blue, the other half sees gold and white. Someone please explain this...

SPREAD THIS UNTIL IT REACHES NASA WE MUST FIND ANSWERS

dianan social tin otro loco tocante e color cu nan ta wak e shimis. Y niun di e dos bandanan por dicidi of yega na otro. Pero e problema ta mas grandi cu djis hende bringando pa color. E ta trata di nos biologia y e manera cu e cerebro humano ta wak color den e mundo cu ta wordo ilumina pa medio di solo. Luz ta drenta wowo di hende pa medio di un lens, di diferente manera pa asina por coresponde cu color. E luz ta dal e retina patras di e wowo unda cu pigmentonan ta manda conexiannan den e cortex visual. Esaki ta e parti di e cerebro cu ta procesa e señal nan y pone nan bira un imagen. Criticamente, e prome pida luz ta wordo traha di cualkier cos cu ta iluminando e camber cu bo ta aden, reflehando kico bo ta wak sin cu bo tin cu worry cu ne.

Color di luz

Bo cerebro ta identifica cua color di luz ta Sali di e obheto cu bo wowonan ta mirando y esencialmente ta saca e color ey di e color real di e obheto. “Nos sistema visual



ton ta bisa. “Pero mi a studia diferencianan visual den color pa 20 anja y e shimis aki ta un di esunnan mas grandi cu ma yega di wak” e ta bisa. (sr. Neitz ta wak e shimis manera blanco cu oro)

Usualmente e sistema, ta traha bon. Pero e imagen aki a crea algun barera den e manera cu hende ta percibi esaki mirando con hende humano ta programa. Hende humano ta wordo programa pa wak den luz di dia, pero luz di dia ta cambia color. “Locual ta pasa akinan, ta cu

Seaport Casino presents

BIGGER BETTER BINGO

The Good Neighbor Edition

(DOOR PRIZES)
5x AWG 250,-

SUNDAY MARCH 1st, 2015

Bingo = AWG 25,- per card of 10 games
Progressive = AWG 3,- per card of 6 games

Starting from 1 pm at the Renaissance Convention Center

PROGRESSIVE IS MORE THAN AWG 12.000,- (if it has not been won first)

Game 1AWG 750	Game 7AWG 1500
Game 2AWG 750	Game 8AWG 1500
Game 3AWG 750	Game 9AWG 2500
Game 4AWG 750	Game 10.....Progressive
Game 5AWG 750	from 51 to 54 calls AWG 1.000,-
Game 6AWG 1500	at 55 or more calls AWG 500,-
	Game 11AWG 10.000

Feria Social, proyecto den man di hoben



ORANJESTAD - Ayera mainta a lansa e proyecto Feria Social. Algo nobo pa stimula participacion di hobennan den diferente fundacion social. E proyecto ta dirigi na minimo 100 hoben y cada fundacion cu ta participa ta ricibi 15 mil florin. E proyecto cu duracion di 3 luna ta finalisa dia 27 di juni.

E proyecto ta un trayecto di participacion y liderazgo di hoben completamente nobo. Durante un periodo di tres luna e Feria Social lo crea un conexion di balor entre hoben y fundacionnan riba tereno social na Aruba, segun Minister di Asuntonan Social y Hubentud Paul Croes.

Hobennan lo kier haci un contribucion ma grandi na sociedad, den hopi caso nan tin falta di oportunidad concreto y nan no sa unda pa cuminsa. Feria Social ta crea e oportunidad pa hobennan ta involvi den trabou comunitario. Durante e proyecto, nan ta cera conoci cu un di tanto organisacionnan social y tambe ta traha riba un proyecto specifico di e organizacion pa mehora e bida di e cliente di e organizacion.

"Mi alegria mas grandi ta cu nos hobennan ta haya e oportunidad di conoce mas di cerca e trabounan importante cu fundacionnan ta haci na nos isla. Participacion di hobennan ta keda un prioridad pa mi persona", sr. Croes encarga cu ambos cartera esta Social y Di Hubentud a muestra. Segun e rapport di Unicef, ta un tarea di Gobierno tambe pa stimula mas participacion di hobennan na desaroyonan social di nos pais.

Fondo

Cada fundacion cu ta participa ta ricibi 15 mil florin pa proyectonan cu nan a presenta na e comision Feria Social. Intencion di esaki ta pa Feria Social bira algo structural y cu esaki continua e añanan nos dilanti. Feria Social ta



planea pa culmina dia 27 di juni cu presentacion di tur e proyectonan logra den esaki.

Locual e proyecto ta encera

Como parti di e prome edicion di Feria Social, 20 fundacion y 20 team di hoben lo traha hunto. E fundacionnan lo bin cu un total di 20 proyecto pa mehora e cali-



dad di bida pa nan clientenan. Un minimo di 100 hoben lo participa na e prome edicion di Feria Social. Despues di e proceso di recruta hoben, lo forma e 20 teamnan cu e 20 fundacionnan y nan proyecto.

Durante un periodo di tres luna, e teamnan di hoben lo siña tocante e trabou di e fundacionnan y nan cliente. Tambe nan lo ta responsabel pa e implementacion di e proyectonan. Pa por realisa e proyectonan, mas cu 20 companianan a wordo acerca pa uni na e fundacionnan y e teamnan di hobennan. E companianan lo duna sosten den forma di tempo, recurso, conocimiento, servicio y fondo. Hunto nan lo haci e proyectonan un realidad. Henter e proyecto di Feria Social lo culmina den un exposicion pa un publico grandi fin di juni 2015. Durante e exposicion, e resultadonan di e proyectonan lo wordo presenta na e publico. E hoben-

nan lo tin un contribucion activo na e evento final aki.

Fundacionnan participa

E fundacionnan cu ta participa ta: Ambiente Feliz, Ambiente Nobo, Funari, CFCA, Imeldahof, SABA, Sonrisa, YMCA, Fundacion Desaroyo Comunitario, Scouting Aruba, FHMD, Red Cross Aruba, Casa Cuna, FAVI, FEPO, Fundacion pa nos Comunidad, SVGA, Fundacion Autismo, Fundacion Mi Por y Switch Foundation.

Organisacion tras di proyecto

E Feria Social ta forma parti di e vision di Ministerio di Asuntonan Social, Hubentud y Labor. E proyecto ta wordo coordina pa CEDE Aruba den cooperacion cu Departamento di Asuntonan Social. E ehecucion di e proyecto mes ta den man di un team di hoben bou di liderazgo di sra. Joyce Bartelsdaal. □

International School of Aruba Open House

L.S.A. invites you and your family to join us at our Open House!

Saturday, March 7th, 2015
From 10 am - 3 pm

- School Tours
- Sports Tournaments
- Soccer Games
- Book Fair
- BBQ/Food sale
- Educational Demonstrations
- And more

Address: Wayaca 238A, Tel: 583 5040, www.isaruba.com, info@isaruba.com

BINGO IS BACK

BRAND NEW CASINO - 6 SESSIONS EACH WEEK

GIANT SCREENS AND TVS

FREE SNACKS - FOOD SPECIALS

MORE

FUN
VALUE
VARIETY

TROP

CLUB & CASINO

J.E. IRAUSQUIN BLVD. 248, ARUBA, DUTCH CARIBBEAN | TROPARUBA.COM | (297) 527-9160 | A TROPICANA ENTERTAINMENT CASINO TROPICANACASINOS.COM

Servicio Comunidad y Bicindario/BoBario:

Seroe Patrishi lo haya atencion social

ORANJESTAD - Seroe Patrishi lo haya atencion social. Esaki un comunicado di prensa di Gobierno di Aruba ta informa.

Seroe Patrishi ta un barrio cu varios aña di existencia y cu ta forma pa un mescla di poblacion, segun Ruth Tromp Schoop. “E ta un di e prome barionan cu Gobierno a scoge na comienso di su maneho



ta forma parti di Servicio pa Comunidad y Bisindario, a splica cu entre hoben, FCCA y Gobierno ta bay wak con hunto por bin na un convenio caminda ta mantene e facilidad pa bisiñanan di Seroe Patrishi, pero haciendo algun cambio.

Un parti principal pa futbol cu ta loke e hobennan di

Scol Practico pa Ofishi a keda oficialisa



ORANJESTAD - Ayera dia 27 di januari 2015 Scol Practico pa Ofishi (SPO) a keda oficialisa pa Gobernador di Aruba y Minister di enseñansa Michelle Hooyboer-Winklaar por medio di un “landsbesluit”. Sra. Hooyboer-Winklaar a firma e Decreto Gubernamental.

Un comunicado di prensa ta conta cu, sra. Hooyboer-Winklaar a haci un bishita hopi special na ambos localidad di e scol nobo “Scol practico pa ofishi”. E bishita tabata den cuadro di e oficialisacion di e tipo di scol aki como parti di nos sistema educacional na Aruba Asina aki e unico scol secundario special di Aruba a keda oficialmente funda y independisa di Stichting Educacion Profesional Basico (SEPB). Esaki ta nifica un comienso nobo pa

Enseñansa Secundario Special na Aruba.

Entrega di cuadro

Durante e bishita recien Minister Hooyboer-Winklaar, den presencia di Parlamentario Lorna Varlack-Jansen kende a traha hopi aña den Enseñansa Special, a haci entrega di un cuadro cu e landsbesluit cu ta forma e base di cual a funda e scol oficialmente. Enseñansa Secundario Special tabata resorta pa hopi aña bou di e maneho di SEPB y tabata carga e nomber di Aspirantopleiding. Bou di SEPB tabata tin dos diferente localidad di e Aspirantopleiding, un localidad na Santa Cruz y un otro na EPB San Nicolas.

Den pasado a dicidi pa inclui e parti aki bou di e capa di EPB saliendo for di e vision di inclusion di tur alumno den enseñansa secundario y unda

cu ta comparti e facilidadnan pa formacion profesional basico. Den transcurso di añanan a mira cu e concepto aki no a resulta positivo den practica a causa di diferente factor.

Diferencia di opinion

Na aña 2013 Gobierno a tuma e decision pa tuma e maneho di Aspirantopleiding for di EPB y tras pas’e pa Dienst Publieke Scholen (DPS). Sra. Hooyboer-Winklaar a sinta na mesa cu SEPB na varios ocasion pa delibera y pa sondea e diferente opcionnan pa drecha e situacion di Aspirantopleiding bou di maneho di SEPB. SEPB na e momento ey no tabata comparti e mesun vision cu Minister Hooyboer-Winklaar y aki ta caminda cu despues di varios luna na mesa Minister Hooyboer-Winklaar a tuma e decision na juni 2014 pa independisa e Aspirantopleiding.

Hunto cu SEPB a yega na e acuerdo cu e maneho di Aspirantopleiding lo cay desde 1 di augustus 2014 bou di Dienst Publieke Scholen, lo instala un stuurgroep pa guia e proceso di independisacion y cu lo tene un periodo di transicion di un aña caminda cu tur e aspectonan di financia, personal y facilidadnan lo keda regla. □

pa haci renobacion di barrio; e ta un ehempel hunto cu Yuwana Morto. Bo ta ripara cu e infraestructura ta hopi mas agradabel,” asina Tromp-Schoop a comenta. E y su ekipo a scoge Seroe Patrishi pa tende con e resultado di e renobacion ta y di otro banda kico ainda falta y con gobierno por yuda of intermedia na FCCA pa yuda e habitantenan.

Bushalte cerca di cas

Un ehempel chikito di algo cu a haya sa pa medio di e bishita di ayera, ta cu hendenan mester cana basta te caminda grandi pa coy bus. “Nan ta pidi pa haya un bushalte mas cerca di cas. Esey ta e tipo di cosnan cu nos ta purba di duna un man pa haci e calidad di bida e habitantenan mas agradabel,” tabata palabra di e funcionario.

E plan di compleho di cas na Seroe Patrishi a inclui un cancha di basket. Sinembargo, den practica e facilidad no ta wordo uza. Raoul Gravenstijn, kende tambe



barrio ta gusta mas. Tambe ta bay pone bankinan caminda mayornan por bin sinta wak e muchanan hunga.

“Nos ta lucha pa e parti social haya su contenido. Nos a concentra hopi riba e prome fase di infraestructura, pero bo no por laga e parti social un banda esey ta e parti cu ainda falta y nos ta logrando” Gravenstijn a finalisa bisando. □

SATURDAY | FEBRUARY 28 | 10 PM

UFC

WORLD MIDDLEWEIGHT CHAMPIONSHIP
WEIDMAN vs BELFORT

WOMEN'S WORLD BANTAMWEIGHT CHAMPIONSHIP
ROUSEY vs ZINGANO

**MORE FUN
VALUE
VARIETY**

TROP
CLUB & CASINO

J.E. IRAUSQUIN BLVD. 248, ARUBA, DUTCH CARIBBEAN | TROPARUBA.COM | (297) 587-9100 | A TROPICANA ENTERTAINMENT CASINO TROPICANACASINOS.COM

Segun GKMB, solo y segura a yuda

Cantidad di criadero di sangura a baha mas di loke PAHO mes a stipula

ORANJESTAD – Departamento di Combatimento di Sangura (GKMB) ta contento, ya cu nan ta ripara cu e criaderonan ta birando menos, specialmente esun di e sangura cu ta transmiti Dengue y Chikungunya.

Drs. Ing. Clayton F. Croes a bisa cu e control riguroso di cas pa cas cu nan a realiza durante e luna di januari y februari, lo sigui. E hecho cu nan a bin cu e control riguroso aki nan por a ripara cu e criadero di sangura a bira menos.

Nan indice di criadero ta hopi abou te hasta mas abou di loke Organizacion Panamericano di Salud (PAHO) ta prescribi. Sr. Croes ta spera cu e cantidad di criadero lo sigui baha mirando cu solo ta briyando hopi duro den e dianan aki.

Menos criadero

El a declara cu e disminucion di criadero tin di haber cu dos rason: Un di nan ta relaciona cu awa a stop di yobe. Esaki ta yuda ya cu e criaderonan no intencional causa pa motibo natural di yobida a seca. Tambe ta e criadero produci gewoon pa



descuido pero di esaki no ta hayando hopi, sino un par hopi chikito.

Den e siman di 17 pa 20 di februari un grupo cu tabatin control na Savaneta a haya 10 criadero so. Esaki ta relativamente tiki y no alarmante -segun sr. Croes- compara cu e cantidad di cas cu nan inspecciona. Nan a controla un total di 303 cas di cual 3 so tabatin criadero. Pero nan ta confronta cierto tipo di caso di cas so cu tin cantidad halto di criadero. E ta haya esaki condenabel ya cu otro tin cu sufri pa causa di e situacion aki.

Multa

Nan ta controlado e casnan unda nan a yega di descubri criadero caba. Pues manera GKMB ta cera un zona, nan ta bolbe controla e casnan cu nan a duna advertencia. E idea di GKMB no ta esun di mishi cu e hende su saco pero nan ta ripara cu tin bi-aha no tin otro manera pa evita esaki. Pues nan tin cu bin cu medidanan pa por purba hala atencion di hende.

“E no ta e manera mas agradable, pero e ta e ultimo car- chi cu nos tin cu hunga pa e ciudadano cu tog di un of otro manera no ta coopera of no ta dispuesto pa coopera”, sr. Croes a bisa. □

BON DIA *Aruba*

TIRA BO SUSHI DEN BARI, TENE ARUBA LIMPI...

SEAPORT

Casino

POWERBALL BINGO

MONDAY - FRIDAY
1:00PM - 3:30PM

POWERBALL JACKPOT STARTING AT \$1000
PROGRESSIVE STARTING AT AWG 10.000
57 PER BINGO CARD, PROGRESSIVE AWG 2.

\$1375
IN TOTAL PRIZES
(8 GAMES + PROGRESSIVE GAME)

DOORPRIZES 5 X FREE BINGO TICKETS


WEEKEND
1:00PM - 3:30PM

POWERBALL JACKPOT STARTING AT \$1000
PROGRESSIVE STARTING AT AWG 10.000
AWG 15. PER BINGO CARD, PROGRESSIVE AWG 2.

AWG 4250,-
IN TOTAL PRIZES
(8 GAMES + PROGRESSIVE GAME)

DOORPRIZES 1X \$25 FREEPLAY CASH
4 X AWG 25,- 5 X FREE BINGO

Trendnan riba social media di berdad tin poder?



ORANJESTAD – Trendnan riba social media di berdad tin poder? Ta parce cu kico cu ta por bira un trend, un fanfaria un sensacion. Pero e ta parce, cu cualkier cos ta bira menos problemanan cu di berdad merece atencion di henter mundo. Kico pueblo ta pensa di e trendnan aki? Bon Dia Aruba a busca algun opinion.

Durante aña, ta sumamente hopi cos a bira un trend riba medianan social, sea pa medio di un hashtag of pa simpel motibo cu tur hen-

de ta post un status tocante esaki of papia di dje. Pa menciona un par, aunke algun tabata problemanan y malesanan hopi di e trend nan aki tabata cosnan masha insignificante cu no ta aporta na mundo cu nada. Manera, e pelea entre Amber Rose cu Khloe Kardashian, un shimis su color a haci tur hende loco, Ebola. Otro trend nan tabata “Alex from Target”. Pero esey no ta tur, tin ora rednan social ta bira ridiculo, ta bira payaso, ta cuminsa cu trendnan manera #Replaceamovienamewith-Pancake

mas ridiculo ainda ta cu tur hende ta join aden y prome cu bo sa, lo unico cu bo por lesa riba twitter ta #ReplaceamovienamewithPancake “The Game of Pancake”, “50 shades of Pancake” y bida ta sigui. Pues si delaster un payasada ta bira un trend riba medianan social, esakinan di berdad tin poder? Den pasado Bon Dia a trece dilanti e opinion tocante internet, caminda hende tabata tin opinionnan masha varia manera “Personalmente mi ta haya e internet un bon fuente pa informacion e ta hopi educacional, si bo sa unda pa busca y kico pa confia.

Ami mes a siña basta for di internet cu mi sa mi no lo a siña den mundo real. Hopi

cos cu mi a lesa riba internet a cambia mi opinion di diferente cos. E ta un manera fantastico pa conoce hende di otro pais. Esey ta e dos puntonan mas balioso pa mi” mientras cu otro persona a bisa “Mi ta pensa cu internet ta bon, pasobra mi tin acceso na tur e informacion cu lo mi mester den bida.

E ta comunica bo cu hopi cos y hende. Pero mi ta pensa tambe cu ta desperdicia hopi tempo riba dje, cu ta haci cu e ta stroba mi di yega na locual mi por haci den bida”. Pero prome cu nos tur ripara, internet ta haciendo tur hende loco.

“Mi ta pensa, cu hende mester purba di comprende cu tur hende tin diferente opinion.

Riba tur cos, te hasta trendnan riba medianan social.

Pues bo no por tuma parti pa nada, pasobra niun hende nan opinion ta malo. Trendnan riba medianan social, no tin poder paso nan ta un sensacion cu “- Luis Villegas

“Media ta algo cu awendia tin hopi poder, hoben tur kier kier ta” in” .

E ta tristo cu mayoria di e trends nan ki ta haci bo mes dolor of otro hende pero ya e ta keda na abo si bo ta participa den e trendnan” – Osvaldo Correa.

“Ami ta pensa, e echo cu cosnan asina ridiculo ta yega na bira trendnan mundial. Ta papia hopi di nos y unda nos ta como sociedad. #Iam-DonewithWorld “ – Yakari Gabriel

“Tin trendnan cu mi ta sigui pasobra mi mes gusta nan, pues mi no tin un opinion” – Alitsza Franken. □





Rene Herde (AVP)

No motibonan politico y sentimental, pero argumentonan racional

ORANJESTAD - Fraccion di AVP ta contra di CFT. E motibo y argumentonan ta racional. En todo caso e motibo y argumentonan no ta di indole di "interes politico" of sentimental. Nos pais no tin nada na e tipo di argumento aki! Ata aki algun di e argumentonan di AVP:

Conseho y Control

AVP ta na favor di normanan financiero y economico realistico, conseho y control (= adverti y critica) pa maneho y decisionnan di gobiernonan

riba tereno financiero, economico y social. AVP kier pa e normanan financiero y economico ta instrumentonan importante. P'esey AVP kier hancra esakinan den Constitucion y den leyman cu ta obliga gobiernonan, awor y den futuro, pa tene nan mes na e normanan aki. AVP ta na favor di un instituto of organo oficial y independiente, cu tambe ta hancra den ley, cu expertonan incuestionabel, cu ta encarga cu e trabou di analisa, conseha, controla y evalua e maneho di gobierno riba e terenenan financia, economia, mercado laboral,

enseñansa, desaroyo socio-economico y proyectonan di gobierno. Awendia no tin pais cu kier bolbe cay den a problemanan financiero, economico y social cu paisnan grandi y chikito a conoce den ultimo decada. Paisnan cu di berdad kier yega na financia publico balansa y sostenibel, na un economia cu ta crece y crea trabou, na un desaroyo socioeconomico balansa y sostenibel, ta crea un instituto independiente y profesional pa conseha, controla y evalua e maneho. Pa AVP no tin discusion si mester tin un instituto asina of no. Nos ta na favor di conseho y control manera tin caba riba tereno legal y di presupuesto den forma di Conseho Consultativo

CFT of fiscal council

AVP kier crea su propio Fiscal Consul cu lo funciona mes independiente y profesional cu Raad van Advies a y ta funciona for di 1986. E Fiscal Consul mester ta independiente y profesional y e mester traha a base di e encargo cu Constitucion y ley ta prescribi. E Fiscal Consul mester funciona sin niun otro 'agenda' of meta politico

of particular. E Fiscal Consul mester tin e proteccion legal y espacio financiero pa e por funciona independiente y critico den ehecutcion di su tarea. E Fiscal Consul no mester ta encarga cu solamente "percura pa financia publico ta na orden". E mester haci esaki den e cuadro mas realistico di e desaroyo economico desea, creacion di trabou necesario y desaroyo social balansa di henter comunidad. Pa e areanan aki tambe mester tin normanan bon fiha. E tarea amplio aki AVP ta wak como esun di e Fiscal Consul.

Esaki ta tambe parti di e motibonan pakico AVP ta contra CFT. CFT no ta independiente. E ta wordo guia door di gobierno Hulandes. CFT tin yen di experto cu masha hopi experiencia den "balansa bukinan di financia", pero CFT no tin ningun atencion pa desaroyo economico of social di comunidad. E tarea di CFT ta miskiña: wak pa elimina deficit y debe mas lihe posibel sin tene cuenta cu desaroyo economico, inversion of desaroyo social di comunidad a medio y largo plaso. CFT a wordo crea

pa sanea financia publico di Corsou y St Maarten despues cu a kita e debe di e dos paisnan aki. Pa haci esaki Corsou y St Maarten a aproba e Ley di Reino cu a duna CFT su base legal. Aruba a scoge na 2010 pa no adopta e Ley di Reino cu ta regla CFT. Aruba no a pidi ni haya "schuldsanering" tampoco. Aruba a scoge pa un otro maneho financiero y economico. Cinco aña despues di introduccion di CFT na Corsou y Sint Maarten e crecimiento economico mas halto cu Corsou a logra ta 0.8%. Den e mes un periodo di cinco aña ey, sin "schuldsanering", credito na interes abou y sin CFT, economia di Aruba a bay di -13% pa +3.9% na 2013. Mientras ta autorisa sin fin bou control di CFT, economia di Corsou a stagna, desempleo a keda halto, inversionnan ta keda abou y desaroyo social ta keda un problema. Ta esaki AVP kier preveni pa sosode cu Aruba. P'esey AVP ta na favor di un otro instituto pa duna conseho y haci control. P'esey AVP ta na favor di un otro maneho financiero y economico cu si ta duna resultado manera a sosode den ultimo cinco aña! □

Evelyn Wever-Croes (MEP)

Presidente di parlamento ta complice na abuso cu placa di pueblo

SANTA CRUZ – Lider di MEP Evelyn Wever-Croes ta hopi critico riba e forma con Parlamento ta funciona.

"Ta parce manera cu e presidente di parlamento tambe ta complice den e corrupcion na Hospital. Bo no por yama e otro. Ora un gobierno deliberadamente ta pone pueblo paga 40 milyon extra pa un proyecto, djis pa privilegia un amigo, bo no por conclui otro cu ta corrupcion!"

Aki gobierno di AVP a scoge esun cu a ofrece e prijs mas halto, esun cu menos experiencia, esun cu a exige pa cobra pa trabou extra, y pa colmo, esun cu a laga e sala di operacion afo!

Ta ken por hinca den su cabes pa cuminsa un proyecto asina importante, sin un sala di operacion? Cu rason directiva

di hospital y sindicato ABV a cuestiona esaki severamente.

Presidente di parlamento ta complice

Tur e problema cu e proyecto di hospital por a wordo evita si e presidente di parlamento, en bes di hunga su weganan di envidia infantil contra nos fraccion, a gewoon haci su trabou y yama e reunion cu nos a pidi desde 7 februari aña pasa! Mas di un aña a pasa, y asina fraccion di MEP tin mas di 10 otro peticion pa reunion y ainda ta wardando.

Pueblo ta paga

E pregunta cu ami tin ta dicon e gobierno aki no kier duna nos pueblo un alivio? Dicon e gobierno aki ta castiga nos pueblo di e forma aki? Paso-bra cada florin cu bay den e proyecto ey, ta pueblo mester paga e. Ta p'esey mester a bin cu e impuesto di salud cu te dia di awe ta hopi bruha. Ta

p'esey mester hisa e AZV.

Investigacion di echo

Fraccion di MEP ta para ariba cu mester para e proyecto y haci un investigacion profundo na e echo, un investigacion, mescos cu a tuma lugar pa WEB tocante e contract di hedging.

A pesar cu nos sa cu e decisionnan tuma tabata ekiboca, nos kier sa e berdad, pueblo tin derecho di sa e berdad. Nos no por imagina cu por tin un hende cu ta contra e investigacion aki.

Si nan no tin nada di sconde, nan ta cumpli cu nos peticion. Aruba merece un cuida di salud digno, un servicio medico optimal, y un hospital di calidad. Sigur no un hospital sin sala di operacion. Aruba merece miho, mucho miho", ta palabranan di lider di MEP, Evelyn Wever-Croes. □



Xiomara Maduro(MEP)

Baba kier plak CFT riba oposicion pa sconde e desaster di Gabinete Eman

ORANJESTAD - Nos a tuma nota di un cantidad di articulo den prensa den cual lider di Fraccion di AVP, Baba Herde, ta haci un esfuerso grandi pa tilda oposicion di ta e culpabel cu cosnan no ta bayendo bon financieramente na Aruba, cu ta oposicion ta esun cu a lobby pa Hulanda interveni cu un KB y CFT riba Gabinete Eman y cu oposicion ta aplaudi e maneho di CFT estilo 'medida di MEP.' Un barbaridad completo cu ta indica cu Baba kier plak CFT riba MEP pa sconde e desaster di Gabinete Eman.

Eman a boga y firma pa CFT

Baba ta lubida cu ya for di 2010 caba Minister Eman a boga y firma pa e supervision di CFT. Na 2010 minister Eman a firma e Protocol di cooperacion cu Minister Donner di Hulanda den cual CFT tabata forma parti pero no a intenta di menciona e nomber ainda. Na 2013 Ministernan Eman y De Meza a firma e Acuerdo di Diahuebs Santo cu Ministernan Plasterk y Dijsselbloem den cual CFT tabata un condicion, pero no a menciona su nomber pa no stroba resultado di eleccion. Despues bo ta haya e carta di 'geenbezwaar' di 6 februari 2014 firma pa Minister Yrausquin den nomber di Mike Eman su gobierno den cual

supervision di CFT ta poni como un di e condicionnan cu Gabinete Eman a bay di acuerdo cu ne. Tin e carta di 19 november 2015 den cual Minister Bermudez den nomber di Gabinete Eman ta invita CFT pa tira bista riba e presupuesto 2015. Banda di esaki tin e carta di 12 december 2014 cu Minister Plasterk ta informa Tweede Kamer cu Gobierno di Aruba a pidi CFT traha un rapport di experto riba e presupuesto 2015 y e cambionan di esaki. Sin lubida e rapport di CFT di 29 december 2014 den cual CFT ta confirma cu Gabinete Eman a pidi nan pa bin haci investigacion riba presupuesto 2015. Pues ta masha straño

cu Baba no a lesa ningun di e documentonan aki. Baba tin e poder di gaña bisa cu ta oposicion a boga pa CFT, pero tur protocol, carta y rapport ta muestra cu ta su lider Mike Eman mes a boga tur tempo y a firma pa CFT.

Baba mes ta pro medida
Den e articulonan aki tambe Baba kier tilda oposicion di ta pro e medidanan. Aki atrobe Baba ta gaña. Ta su Gobierno di AVP a bin cu 24 medida cu nan a priminti na Hulanda y CFT. E mesun medidanan aki ta hinca den e Presupuesto 2014 cu Baba a grita voor pe. Pues ta Baba mes ta pro medida y no mester bin sconde tras di saya di oposicion awor.

AVP culpabel pa desastre financiero

Ta bisto cu Baba ta haci su best pa plak CFT y medida riba MEP, pero Baba mester realisa cu e unico cu a boga pa CFT y medida ta su mesun partido AVP. Si Baba lo a haci su trabou di controla Gobierno manera mester ta, awe Aruba no lo mester ta pasando den e crisis financiero cu Mike Eman a traha pa nos. Baba mester realisa cu e unico culpa bel aki ta su partido AVP y e mes cu cada bes a grita voor wowo cera. Enbes di plak CFT riba oposicion, Baba por uza e tape ey pa stop di gaña e Pueblo manera e ta bin ta haciendo. Aruba Merece Miho Baba! □



Departamento di Progreso Laboral seccion Arbeidsbemiddeling en Re-integratie Vacature melding ta anuncia e siguiente vacaturanan:

20 februari t/m 26 februari 2015

Si bo persona ta interesa pa solicita, pasa libremente na Departamento di Progreso Laboral cu ta situa na Seroe Blanco # 4 of Bushalte San Nicolas of yama na telefoon: 521 5555. Mester presenta cu bo Cedula of Uittreksel di Bevolkingsregister (Afl. 5,00) compaña pa un identificacion cu potret, CV, diploma, certificadonan y carta di recomendacion di Doño di trabou. Interesadonan por pasa registra 07:30 di mainta.

Momento di presenta na DPL zorg pa un vestuario adecuado, si acaso bo persona ricibi un cita di biaha pa un entrevista.

NR.	COMPANIA	FUNCION	NR.	COMPANIA	FUNCION
77	Inter Total Services NV	Houseman	47	John's Pizza& Catering Service	Pizzamaker
78	Inter Total Services NV	Room Attendant	48	Aruba Marriott Resort & Stellaris Casino	Executive Chef
79	Inter Total Services NV	Schoonmaker/ster (man)	49	Aruba Marriott Resort & Stellaris Casino	Manager, Revenue/Director of Revenue Strategy
80	Inter Total Services NV	Schoonmaker/ster (vrouweljk)	51	Well Done Snack Truck	Kok
81	Daniel Steakhouse NV	Cook			
82	Tierra del Sol	Maintenance Man/Golf Course Maintenance person	26	Tiara Air Aruba	Manager Distribution
83	Apex Cleaning	Housekeeping attendant	27	Yami Yami Restaurant	Kok
84	Apex Cleaning	Steward (kitchen cleaner)	28	Win Tung Home Center	Meubelmaker
85	Apex Cleaning	Houseman	29	Sary Beauty Salon Spa	Manicure/Pedicure
86	Supercar Rentals NV	Diesel monteur	30	Hairfashion	Kapper/ster
87	El Paso Sports Bar & Restaurant	Kok	31	Sary Beauty Salon Spa	Cosmetician
88	Ballet Folklorico Nacional di Aruba	Naaien/ster	32	Caribbean Buffet	Kokhelpers
89	Ballet Folklorico Nacional di Aruba	Danser	33	Dream Bowl	Mechanical, electrical machines/machine operator
90	Buildens System	Machine operator	34	Pepia Est	Sales Manager/Sales Manager Dranken
91	Ritmo Cubano	Naaien/ster	35	Sciue Sciue	Restaurant Supervisor
92	Ritmo Cubano	Visagist/Make up artist	36	Win Me	Goudsmid
93	Aruba Marriott Resort & Stellaris Casino	Director, Food & Beverage	37	Rad/Airco	Koelmonteur
			38	Sirenas Island Spa	Kapper/ster
67	Pelican Adventures	Dive instructor	39	Super S-Chow	Slager
68	Moomba Beach Restaurant	Kok	40	El Guacho Restaurant	Keukenhelpers
69	Aruba Security Crime Prevention	Bewaker			
70	Angochi Supermarket	Magazijn bediende	O-11	El Guacho Restaurant	Keukenhelpers
71	Yen Yen Bar & Restaurant	Kok	O-12	Bucuti & Tara Beach Resorts Aruba	Cost Controller
72	Tango Restaurant	Kok	O-21	La Fama	Kok
73	Fisher and More	Chef de Cuisine/Gourmet Chef	O-26	Pelican Adventures	Sales & marketing representative
74	Moomba Beach Restaurant	Cleaner	O-27	Pelican Nest	Storeroom attendant
75	Salt & Pepper	Manager, Restaurant	O-28	Maxi Contractor	Housekeeping attendant
76	Tai Lie Wah Supermarket	Slager	O-29	Maxi Contractor	Kitchenhelpers
			O-30	Maxi Contractor	Activities Coordinator
43	Envy By Clyde	Kapper/ster	O-31	Huan Zhang Supermarket	Cashier
44	Arubaville Restaurant	Manager, Restaurant	O-32	Electro Cell	Counterbediende
45	Arubaville Restaurant	Kok	O-33	Top Nails	Manicurist/Nail specialist
46	Indulgence by the Sea	Schoonheidsspecialist			

IMPORTANTE:

Entrante 1 di Januari 2014 lo haci uzo solamente di formularionan nobo pa "Vacaturemelding". Por haya esaki riba website: www.dpl.aw/documenten/formulieren/vacaturemelding of na DPL Seroe Blanco

Requisito(nan) ora di solicita na DPL

* Bo persona mester presenta cu un cedula of papel di Censo di Afl.5,-

* Ora di solicita na DPL mester bin representabel/desente bisti.


* Por acudi entrante 7:30 di mainta na e balie di DPL.

* Presenta cu tur bo documento (copia) di estudio manera diploma, certificado y cu carta(nan) di recomendacion.

* DPL ta manda bo persona bay solicita cu un formulario (3 pagina, color blanco esaki mester wordo entrega bek na DPL dor di dunador di trabou, roos ta pa e dunador di trabou y e geel ta pa e solicitante). E prome pagina mester wordo yena completamente y firma dor di ambos partido y na final di e entrevista e dunador di trabou mester entrega esaki na DPL.

* No presenta cu mucha(nan)/persona na momento cu bo persona ta wordo atendi/registra dor di un Consulente di DPL

Pa cualkier informacion adicional of relaciona cu DPL su servicionan pasa libremente na balie of yama 5215555. Corda bishita nos website: www.dpl.aw



PASA LAGA BO AVISO DI LOKE BO KIER BENDE, HUUR, ETC NA OFICINA DI BON DIA ARUBA WESTSTRAAT #22 OF MANDA BO AVISO VIA EMAIL NA: michael.arends@cspnv.com

PERSONAL GRATIS MAX 20 PALABRA - TA ACEPTA AVISO FOR DI 9:00AM - 4:00PM

SERVICIO PUBLICO

Ta duna servicio di hasi cas, oficina y locals limpi. Ta cobra pa hora di trabao. Pa mas informacion Tel: 600-8714

TA BENDE

Suzuki Baleno Motor bon condicion Awg 3300,- Prijs discutible. Tel: 7477101 - 5619441

TA BENDE

Matanan di fruta, sorsaka, mango, papaya, tambe motorcycle (scooter) 2007 bon condicion Corchon queen size. Pa mas informacion Tel: 594-9069

LES DI LANDAMENTO

Priva of den grupo, mucha di 3 aña bai ariba. Nos ta prepara mucha pa tur diploma. Profesional den e ramo. Pa mas info. Tel: 594-9069

TA BENDE

Un Hyundai Sta Fe 2003, Std, Bon condicion pa solamente Afl. 6.500,- Pa mas informacion yama Tel: 731-8695 / 600-8714

TA HUUR

Entrante 15 Maart Savaneta cas, ideal pa oficina, renoba, 2kamber, 2airco, cura, hopi parkingspace, p/l Afl. 975,- excl., dep. Afl. 1.300,-. Pa mas informacion yama Tel: 585-1582

SERVICIO PUBLICO

Ta duna servicio pa baña y cuida hende grandi na as y tambe laba herida. Pa mas informacion Tel: 748-5818

SERVICIO PUBLICO

Pa huiswerk begeleiding y bijles den area di Pos chiquito entre 4 - 6or pm. Tel: 593-7784

TA BUSCA

Pa huur, cas pabou di brug 3 kamber. Te cu 1.500 florin. Pa mas informacion Tel: 7306445

TA HUUR

Un mobile home 1 april na Noord, sala, cushina 2 banjo y 3 camber na noord. Huur afl.1200,- y un luna borg. Tel: 5937293.

TA HUUR

Un appartement 1 maartna noord cu cushina apart, cura y su mesun entrada, Afl. 750,- y un luna borg. Tel 5937293.

TA BENDE

4 cashi di paña (bon prijs) 1 cacho fila brasileira (6 luna). Pa mas informacion Tel: 561-7112

TA BENDE

I-phone 4S 16GB open phone black nobo pa Afl. 500,- cu case. Pa mas informacion Tel: 745-5550

TA BENDE

Ganga un Eton Vipper 70cc aña 2000, bon condicion pa Afl. 2500,- discutibel. Pa mas informacion Tel: 732-0697

TA BENDE

Cama Queen den perfecto condicion hopi bon prijs. Pa mas informacion Tel: 594-9069

TA BENDE

Suzuki Baleno 2000, body den bon condicion, jega start y bay cune, tire nobo. As is where is. Afl. 2.300,- Pa mas informacion Tel: 563-7049

TE HUUR

Apt met 1 slaapkamer, keuken & eetkamer. Omgeving van Superfood. Water en electra niet inbegrepen Cable Tv en gas inbegrepen voor AWG.1.160 p/m 1 maand deposit Tel: 593-9145

FOR RENT

One bedroom apt ,kitchen & dining room, furnished. Private entrance, close to Superfood. Water & electricity not incl. Cable & gas incl. Awg. 1.160 p/m plus one month dep For info call 593-9145

TA BENDE

Set di sala Afl. 450,- set di cama queen size di palo puro Afl. 550,- Pa mas informacion Tel: 586-7163 / 563-4687

SERVICIO PUBLICO

Nos ta fura tur tipo di muebles y nos lo laga nan manera nobo back. Pa mas informacion Tel: 5621199 / 5921252.

SERVICIO PUBLICO

Ta duna credit di 10 luna. Ta fura y spuit tur tipo di muebles. Palm Beach #5, dilanti Subway. Tel: 593-2655 / 742-5853

TA BENDE

Scooter den perfecto condicion (2007) Bon prijs!. Tel: 594-9069 / 569-0125

SERVICIO PUBLICA

Señora cu firma liber ta ofrece pa haci oficina of cas limpi. Tel: 568-2806

DUSHI CUMINDA

Liliana tin cuminda tur dia na Jhonson's Supermarket San Nicolas desde 11am - 1pm tur cuminda acompaña cu un sopi pa solamente Afl.12,50 Pa mas info of pedido yama Tel: 749-5008

TA BUSCA

Mester di un X-trahador di bista bunita pa drecha bentana. Pa mas informacion Tel: 594-7385

TA BENDE

Patriot Mag Drive NOBO! MD1200-1200GPH Koi Pond & Waterfall Pump. Awg. 295 o.b.o. Pa mas informacion Tel: 732-1104

SERVICIO PUBLICO

Nos ta traha cura, drecha muraya, verf cas y dak, pleister den temporada di Nov. y Dec. Pa mas informacion Tel: 564-3588

SERVICIO PUBLICO

Ta corta mata chiquito y grandi y ta bende santo graniet y piedra. Bon prijs Tel: 562-2532


TA BENDE

BBQ Grill"made In Aruba"duradero, Tipo "bari" Afl.275,-/cylindro cu tapa pa Afl.250,- Tel: 593-8182

TA DUNA LES

Les di hulandes y papiamento pa mucha di kleuter, Basic school. Yama despues di 2'or. Pa mas informacion Tel: 592-5090 / 583-7381

BO TA BENDE, HUUR OF BUSCA CUALKIER ARTICULO, NOS TA OFRESE UN SERVICIO UNICO Y RAPIDO.



Advertorial

Lotto 5 ta yega suma mas halto di ultimo dos aña cu un jackpot di 925 mil florin pa diasabra

ORANJESTAD - Pa awe, diasabra 28 di februari, e jackpot di Lotto 5 a yega e suma di mas grandi cu el a conoce den e ultimo dos añanan. No tabatin ganado di e sorteo di diaranson pasa y e jackpot a yega 925 MIL FLORIN!

Na 2013 e jackpot di Lotto 5 a conoce hopi ganado, e no a haya un chens pa sigui crece pa surpasa 360 mil florin. Na 2014, e jackpot di mas grandi tabata 850 mil florin, cual a wordo gana riba dia 9 di augustus.

Den transcurso di añanan, diferente cambio a tuma luga na e wegata conoci como Lotto Pa Deporte y



Lotto Grandi. Sinembargo e number actual ta Lotto 5 y e wegata keda mescos y ta sigui hopi popular entre hungadonan fiel di Lotto.

E forma mas facil pa hunga Lotto 5 ta pa pidi e rebendado pa "Lotto 5 Loco". Asina e terminal di Lotto mes ta scoge e cinco cifranan riba bo ticket. Si acaso bo tin bo mesun cifranan faborito, no ta problema: duna e rebendado e cinco cifranan cu bo a scoge for entre 1 te cu, y/of incluyendo, 35 y bo ta den wegata. Cu solamente 4 florin bo ta den wegata pa gana e jackpot fabuloso di 925 mil florin. Corda cu bo por cumpra e mesun number pa mas di un sorteo, djis consulta cu e rebendado tocante e Multi Draw.

Cumpra bo ticket tempran pa evita paramento den rij largo, pasobra Lot-

to 5 ta "hot"! Esaki ta un sorteo cu bo no kier keda afo. Corda cu tur terminal ta stop di bende ticket pa e sorteo di anochi pa 8:45PM y e sorteo mes ta tuma luga cuminsando pa 9'or di anochi "live" na TeleAruba.

Lotto, e loteria di Aruba tin 8 diferente wegata, Catochi, Big 4, Zodiac, Wegata di number di Korsou di Lotto, Lotto di dia, Lotto 5, Mini Mega y weganen di Raspa y Gana. Cumprando Lotto bo ta contribui na deporte riba nos isla. Meta di e fundacion ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio. □



Aurora
Funeral Home

Tel: 593-0857 / 588-6699 / 560-1403
Fax: 588-6698

Salmo

Señor lo caba cu morto pa semper y l'e seca lagrima di wowo di tur hende.

Cu un dolor inmenso na nos curason pero hopi agradecido pa tur loque e la haci, siña y significa pa nos y conforme cu Dios su boluntad nos ta anuncia fayecimiento di nos mama, abuela, ruman, tanta y sobrina



**Xiomara Pamela
Altagracia Nicolas**

Mihor conoci como "Yeye"

*23-08-1960

†26-02-2015

Na number di su:

Yiunan: Mayron y Diandra Nicolas-Semeleer
Yshak y Margareta Nicolas-Kooyman
Andrisca Nicolas

Nietonan: Quinthy Nicolas
Quiondrick Nicolas

Ruman: Emilia y Oswaldo Trujillo y yiunan

Omo y tanta na Inglatera, Hulanda y Italia

Tanta na Aruba: Cathrin Morel

Tur prima y primonan na Aruba, Hulanda, Iglatera y Italia

Su madrina: Josefina Quandt

Y Demas famia ta wordo invita pa e acto di despedida cual lo tuma lugar diamars 3 di maart 2015 na Aurora Funeral Home di 2'or pa 4'or di atardi.

Aurora
Funeral Home

Tel: 593-0857 / 588-6699 / 560-1403
Fax: 588-6698

Señor ta mi wardador, mi'n tin falta di nada, den cunucu di yerba berde E ta pone mi sosega. E ta hiba mi na awa trankil, pa mi bolbe haya forza.
Salmo: 23.1

Cu inmenso tristeza na nos curazon, pero conforme cu boluntad di Dios nos ta participa fayecimento di:

George Arthur Mossel

*17-05-1913

†26-02-2015

Esposa: Heloïse Mossel-Suydon

Yiunan: Ria
John†
Ligia

Nieto (a)nan: Ruth, Dan, Arthur, Alysia

Bisanieta (a)nan

Sobrino (a)nan: Alfons Rodriguez
Margo Dompig

Sobresobrinonan y demas famia

Ta invita pa e acto di despedida cu lo tuma lugar na misa di Cristo Rey na Brasil Dialuna 2 di maart.
Oportunidad pa condoleer lo ta di 9'or pa 10.30 di mainta.
Ceremonia ta cuminsa 11'or di mainta.

Disculpa nos, nos no por ricibi bishita di condolencia na cas.

" Señor ta mi wardador, mi n' tin falta di nada; Den cunucu di yerba berde, E ta ponemi sosega. E ta hibami na awa trankil, pa mi bolbe haña forza."

Salmo 23:1,2,3

A fayece cristianamente



**Ruben Gabriel
Manuela**

Oportunidad pa despedi ta Diamars 3 di Maart di 1'or - 3'or di atardi na the Olive Tree Funeral Home na Cumana

Aurora
Funeral Home

Tel: 593-0857 / 588-6699 / 560-1403
Fax: 588-6698

Recordatorio

Pa medio di esaki yiu Luis Leonardo, mayornan y rumannan ta recorda 2 aña di fayecimento di



**Enrique Luis "Ricky"
Krozendijk**

Ta invita famia y conocirnan pa asisti na un santo sacrificio di misa cual lo tuma lugar diasabra 28 di februari 2015 pa 7'or di anochi na misa Inmaculada Concepcion.
Boso presencia lo ta altamente aprecia.

Aurora
Funeral Home

Tel: 593-0857 / 588-6699 / 560-1403
Fax: 588-6698

Señor ta mi wardador, mi'n tin falta di nada, den cunucu di yerba berde E ta pone mi sosega. E ta hiba mi na awa trankil, pa mi bolbe haya forza.
Salmo: 23.1

Cu inmenso tristeza na nos curazon, pero conforme cu boluntad di Dios nos ta participa fayecimento di:



**Gladys Philomen
Lin-Kock**

*29-11-1942

†26-02-2015

Acto di entierio lo wordo anuncia despues.

Advertorial

Glitz Casino a Celebra aña Chines den un manera unico



ORANJESTAD –Glitz Casino a celebra conhuntamente cu e comunidad Chines e celebracion di aña nobo.

Tur presenta a keda masha encanta na momento cu 2 dragon a presenta y a duna suerte na tur presente. Musica a ser deleita pa conocido artista sr. Dennis Zepenveld cu sigur a trece un ambiente rotundo den Glitz Casino Liquid Lounge. Riba photo por aprecia e ambiente cu a reina durante e anochi aki. Bishita pagina di Facebook pa asina mira e video di actividad y keda na altura di



campana cu Glitz Casino lo Pa mas informacion yama nos libremente : 587-3399

Diadomingo awor 6or di atardi na Birgen di Fatima na Dakota



Pius X School y Fatima College lo celebra 55 aña di existencia cu un Santo Sacrificio di Misa
E dos scolnan di Dakota, Pius X

School y Fatima College ta invita tur alumno y ex-alumno, ex-coleganan, e bario di Dakota y Pueblo di Aruba henter pa un Santo Sacrificio di Misa



en conexion cu e celebracion di e 55 aña di existencia di ambos scol. E Santo Sacrificio di Misa lo tuma luga diadomingo awor 1 di maart cum-

insando pa 6or di atardi na Parokia Birgen di Fatima na Dakota. Tur ta keda cordialmente invita pa asisti na e Santo Sacrificio di Misa aki.

Maske e minister a recupera:

Ta investigando asunto di veneno den koffie di Navarro

WILLEMSTAD - Tin un investigacion ta tumando lugha, relaciona cu e incidente caminda minister di Husticia Nelson Navarro a bira malo.

Aunke no tin masha detaye, ta un hecho cu despues di cu e mandatario a bay cas, a sigui investiga mas cos, segun fuentenan cu por sa.

Siman pasa e version tabata circula den comunidad, indicando cu e minister tabata hopi malo.

E enfermo tabata bisa cu a intensifica vigilancia di e minister, basa riba indicacion cu lo tin figuranan dudosos cu a bin di exterior cu e plan pa likida e minister.

Prensa a confronta minister Stanley Palm durante un conferencia di prensa cu e

version cu e minister lo a bira malo despues di a bebe gofi. Minister Palm a splica cu ora minister Navarro a yega pa participa na e reunion tradicional di tur diaranson di conseho di minister el a indica cu e no ta sinti su curpa mucho bon.

Despues di un rato el a indica cu su curpa a bira mas malo, loke a pone cu e ora ey a busca atencion medico pe.

Minister Navarro a recupera na cas den e dianan cu a pasa. Pero tur e tempo ey, a sigui traha riba versionnan cu tabata circula.

Informacion ta bisa cu autoridadnan a papia cu cierto personanan den Forti. Hecho ta cu acta a confisca e copi di cua e minister a bebe e koffie pa investigacion mas minucioso.

Mester weita tur esaki den cuadro di e situacion reinante caminda a constata cu tin peliger pa siguridad di e minister.

Aunke (pa motibonan obvio) autoridad ta mantene un silencio hermetico, ta un hecho cu a intensifica e medida di siguridad rond di minister Navarro.

Tin informacion cu tin dos persona cu ta na Corsou di exterior, cu e meta pa haci e minister daño.

E minister mes a aparece di algun ultimo den Forti caminda el a duna hasta un conferencia di prensa, un indicacion quo e ta den condicion pa funciona atrobe. Pero e aspecto di su siguridad ta keda punto di atencion pa husticia. □



Minister Hulandes di Relacion den Reino:

No tin motibo pa investigacion riba traficacion di hende y abuso sexual

eracion cu e islanan BES haci un investigacion di e caracter y embergadura di e fenomeno di traficacion di hende, prostitucion obligatorio y abuso sexual riba e islanan aki. E mision ta boga tambe pa analisa con efectivo e maneho actual pa combati e fenomenonan aki ta.

“Mi a informa Tweede Kamer, tambe na nomber di minister di Husticia y Siguridad, cu anticipando un evaluacion cu mester tuma lugha di e Memorandum of Understanding di cooperacion pa evita traficacion di hende, contrabando di hende y migracion ilegal, un investigacion asina aki no ta directamente necesario”, Plasterk ta skirbi den su carta.

E minister Hulandes ta recorda Tweede Kamer cu tambe el a priminti cu a base di e evaluacion menciona, lo weita si un investigacion asina aki tin balor agrega, particularmente den luz di investigacionnan similar cu a tuma lugha caba riba e tereno aki di esfuersonan pa combati mesun fenomenonan aki. Un evaluacion interno ta demostra cu tanto Hulanda como e islanan a haci hopi ultimo 3 añanan riba e tereno aki.

Durante e asina yama Justitieel Vierlanden Overleg (JVO) di januari 2015 (luna pasa) a aproba resultado di e evaluacion di e Memorandum of Understanding.

JVO, alabes a urgi gobiernonan pa, a base di recomendacionnan di e evaluacion, adapta e Memorandum of Understanding y pa trata e

version adapta den e siguiente JVO na juni binidero.

E enfasis lo bira intensificacion di e intercambio di informacion y e cooperacion operacional entre e departamentonan concerni.

Loke tambe lo haci ta aumen- ta e control den sectornan di riesgo pa traficacion di hende y lo informa gruponan vulnerabel manera migrantenan

miho kico ta nan derechonan y nan posibilidad pa pidi yudansa y na unda.

E cuater partidonan ta haya cu, mirando resultado di e evaluacion interno, no ta necesario pa haci mas investigacion riba e tereno mencionada y di efectividad di e maneho cu a hiba, Ronald Plasterk ta finalisa su carta na Tweede Kamer. □

WILLEMSTAD - Considerando cu ultimo añanan a haci hopi caba riba e tereno ey, gobierno Hulandes no ta mira e necesidad pa laga haci un investigacion mas profundo riba e islanan cu tabata forma Antia antes di traficacion di hende, prostitucion obligatorio y abuso sexual.

Esey minister Hulandes di Relacion den Reino Ronald Plasterk ta skirbi den un carta cu el a manda pa Tweede Kamer.

E miembronan di parlamento Roelof van Laar di PVDA y Gert-Jan Seger di partido ChristenUnie a presenta un mision cu Tweede Kamer a acepta.

E mision ta urgi gobierno Hulandes pa den hunto cu gobierno di Corsou, St. Maarten y Aruba y den coop-

Buscando tip valioso:

Recompensa di 50 porshento di suma di encargo pa mata Helmin Wiels


WILLEMSTAD -- Ministerio Publico a dispone cu lo duna un recompensa di 50 porshento di suma di encargo pa mata Helmin Wiels.

Ministerio Publico ta splica cu dia 5 di mei 2013 a mata Helmin Magno Wiels na pier di Marie Pampoen. E.R.K. (Monster) a keda sentencia pa medio di veredicto di 29 di augustus 2014 pa e asesinato aki. Den e veredicto hues a stipula cu E.R.K. a ricibi pago pa e asesinato aki. E veredicto aki a keda confirma di Corte di Apelacion den su veredicto di 20 di februari 2015.

Den e investigacion Maximus ta investigando entre otro ken a duna ordo pa e asesinato. E sospecho ta cu esun cu a duna ordo a recorri na dos intermediando cu a uza E.R.K. pa checuta e asesinato. Tambe tin e sospecho cu e dunadonan di ordo a paga un montante grandi na e dos entremetidonan. E investigacion Maximus ta dirigi su mes pa e motibo aki tambe riba e fluho di placa rond di e diferente sospechosonan.

Probablemente E.R.K. a ricibi djis un parti chikito di e total di placa cu a pone dis-

ponibel. Mayoria di e sobra placa a keda cerca e entremetidonan. Den cuadro di e investigacion ta hopi importante pa determina cerca ken e sobra placa a keda of a keda aloha actualmente. Fiscal Mayor di Ministerio Publico (OM) di Corsou a dicidi pa pone disponibel un recompensa na e persona of personanan cu ta pone OM riba e caminda pa sastre e placa y pa confisca esaki. E altura di e recompensa ta 50 % (cincuenta porshento) di e placa cu finalmente keda confisca a base di e tip(nan). Mester por determina cu ta placa cu a keda paga pa e asesinato. □



Area di Shut cu borchì di advertencia

WILLEMSTAD – Despues cu e area di Shut tabata hermeticamente cera y a bin protesta, awor a dicidi

pa pone un borchì di advertencia. E borchì ta papia palabra cla, cu ta vigila tiramento di sushi no ap-

ropia den area aki.

Hasta ta haci mansion cu lo tin control di camara. Keto

bay no tin solucion duradero pa e situacion di awa cu derecho cu pa hopi aña ta tirando den e area aki. A dicidi pa stop

e situacion aki den cuadro di un proyecto grandi na Aeropuerto pa cua mester di awa limpi. □

Age Bakker (CFT):

Mester compensa deficit 2014; mehoracion di maneho financiero ta keda atras

ORANJESTAD – Colegio di supervision financiero Boneiro, Sint Eustatius y Saba (CFT) a hiba combersacionnan dia 20 di januari cu colegio ehecutivo y conseho insular na Sint Eustatius. CFT a expresa su preocupacion cu aña 2014 ta parce di lo clausura cu un deficit.

E Colegio a papia tambe tocante di e proceso corecto pa cu nombramento di personal, e importancia di un bon maneho financiero, caminda tabatin mucho poco progreso.

Implementacion di presupuesto 2014

A pesar cu e cuenta anual definitivo no ta cla ainda, por mira ya di e concepto di reportahe mas recien riba e ultimo kwartaal di aña pasa, cu Sint Eustatius ta rumbo pa un deficit di mas o menos 0,2 milyon dollar. Durante 2014 e entidad publico a sinti e menasa constante di un deficit. Aunke cu a cuminsa tuma algun medida di spaar na final di aña pasa, pues Sint Eustatius no a logra keda den e kader di presupuesto. CFT a informa gobierno cu finalmente como consecuencia mester compensa e supuesto deficit riba e cuenta anual. Colegio ehecutivo a indica cu e ta consciente cu mester

compensa, y cu e lo continua cu e medidanan di spaar cu a inicia aña pasa, entre otro e stop di vacatura y pa no prolonga contractnan di forma automatico.

Maneho financiero

CFT a papia un biaha mas cu gobierno tocante e necesidad pa cana e proceduranan corecto den caso cu ta desea pa nombra personal. CFT a yega na un palabracion cu colegio ehecutivo pa actua cu transparencia den cuadro di nombramento di personal y pa cana e proceduranan interno y externo corecto. Pa esey lo traha un plan di accion riba termino cortico, den colaboracion cu Repre-

sentante di Reino, den cua ta expresa e proceduranan aki.

Lamentablemente CFT mester a constata na cuminsamento di e aña importante aki, den cua ta evalua e supervision financiero, cu no a realisa niun di e puntonan di mehoracion palabra na aña 2014.

Ta parce cu mehoracion di maneho financiero a stanca despues di e paso grandi cu a dal pa dilanti na aña 2013. Tanto e maneho basico, e plan di mantencion di bienan di capital, maneho di dividend ni e kader di normanan y maneho no ta estableci ainda, pero si stipula dor di conseho insular.

Tambe a confronta retraso pa cu formacion di un regulacion di haf nobo y e echo cu no ta entrega reportahenan na tempo, completo of den forma corecto. CFT a palabra cu colegio ehecutivo cu e entidad publico lo traha riba un plan di accion den colaboracion cu e accountant y CFT riba un termino cortico, den cua lo formula e decoracionnan necesario di e maneho financiero. E plan di accion aki mester fungi como e liña di guia pa realisa e decoracionnan necesario mas lihe cu e caso actual, cu e meta final di haya un declaracion di aprobacion di e cuenta anual cerca e accountant. □

Comision Central cu hopi pregunta:

Paspoort lo costa 200 florin pero tin duracion di 10 aña

WILLEMSTAD - Un hende cu ta bay pidi un paspoort nobo den futuro, mester tene cuenta cu e mester paga 200 florin, no e tarifa di 100 florin cu tin aworaki.

Pero di otro banda, contrai na loke e ta aworaki, un paspoort ta bay dura 10 aña. Aworaki e ta 5 aña. Parlamento tabatin masha pregunta ayera relaciona cu e aumento aki y di e preguntanan por a deduci cu mayoria parlamentario no ta compronde e aumento asina drastico.

Otro punto specifico cu tam-

poco tabata masha cla ta e hecho cu pa un ciudadano te cu 17 aña e aumento ta 50 florin pero e duracion ta keda 5 aña. Parlamentario Omayra Leeftang a haci un analisis di e calculacion cu gobierno a duna pa compana e splicacion di con un aumento ta necesario. E argumento cu gobierno a uza, esta cu awor e paspoort ta dura dobel mas tempo, no tabata un argumento cu a convence Leeftang. E tabata ke sa kico e ciudadano ta haya bek na servicio of producto, cu ta hustifica e aumento aki. No mester ta asina cu e ciudadano aki ta haya e impre-

sion cu gobierno ta tirando un atraco riba su saco cu e aumento aki, el a bisa. Parlamentario Elmer Wilsoe, tabata ke mas splicacion.

El a bisa cu mester bin un splicacion mas detaya loke e costo di un paspoort nobo ta, kico gobierno di Corsou ta keda cu ne y kico Hulanda ta keda cu ne. E tambe tabatin pregunta relaciona cu e aumento pa e categoria mas hoben. Si na Hulanda subi e tarifa cu 1 euro y mei, ta con ta splica cu na Corsou el a subi cu 50 florin?, asina e tabata ke sa.



Parlamentario Alex Rosaria a muestra di su banda cu no mester bruha cus den otro. Un paspoort ta mas cu un set di papel y plastic. Ta un proceso pa produci un paspoort, el a bisa. Den e contexto ey, el a bisa cu ta bon pa gobierno splica e costo mara na produccion di un paspoort. Ken ta paga por

ehempel gasto di transporte di e paspoort. Ta bin acerca cu na Corsou tin un fenomeno ferfelo, cu ta hende cu ta perde nan paspoort. E cantidad aki ta halto, segun Rosaria. Gobierno awor mester contesta e preguntanan pa despues e proyecto di ley bay tratamiento den reunion publico. □

Prome minister Griego ta descarta un di tres ‘bailout’

ATHENAS, Grecia (AP) – Grecia su gobierno radical isquierdista nobo no tin niun intencion di busca

un otro acuerdo di ‘bailout’ di creditornan internacional, y lo pasa e lunanan cu ta bin ta purba

alivia e terminonan di e compromisonan actual, asina e pais cu ta pasando den dificultad financiero su prome minister a bisa diabierna.

Alexis Tsipras su comentarioman a bin algun ora despues cu parlamentarionan na Alemania, un proveedo di prestamo clave, a aproba e extension di 4 luna di Grecia su ‘bailout’ financiero. “E acuerdonan pa ‘bailout’ a caba, tanto den forma y den esencia”, Tsipras a bisa su gabinete den un reunion. “Tin hende cu ta bet riba un di 3 ‘bailout’ na juli, pero nos lo desapunta nan.”

Tsipras su partido Syriza, cual ta gobernando den un coalicion cu un partido chikito derechista Grecia Independiente, a wordo eligi un luna pasa, riba un plataforma masha ambicioso pa cancela e medidanan cu a acompaña e prestamonan di 240 biyon euro.

Pero a pesar di intentonan ripiti y no convencional, pa gana confiansa di otro paisnan creditor Europeo, Grecia a wordo forsa pa kita e promesa inicial, cual tabata

incluir un bahada di e pais su debe grandi.

Extension

Siman pasa, un otro miembronan di eurzone, cual ta consisti di 19 miembro, a bay di acuerdo riba un extension di prestamo di 4 luna. A cambio di loke Grecia a ofrece un compromiso fluido di reforma di presupuesto.

Tsipras a bisa cu su prome acto di legislacion lo ta pa trece un proposicion di ley dialuna, pa adresa loke Syriza ta yama un crisis humanitario, pobresa extensivo causa pa e cortamento economico pisa y e cantidad di desempleo halto, cu a bin a causa di e cortamento di gasto cu e

creditornan a exige.

“Esaki ta nos deber pa un sociedad cu a purba masha hopi mes den e ultimo 5 añanan”, el a bisa. “E ley aki lo contene accion specifico pa provee poder liber, cuminda pa miles di famia cu tin mester di dje, pa haci Grecia un pais civilisa un biaha mas. Pa no tin niun mucha cu friu, niun mucha cu ta cay flauw di hamber of cu ta bay scol cu hamber.”

Tsipras tambe a priminti di provee cas pa mas di 30 mil hende, limita eviccion y facilita termino di pago pa mas o menos 3.7 miyon hende cu tin debe di impuesto di te cu 5 mil euro. □



Expertonan ta culpa campaña contra vacunacion pa epidemia di sarampi na Bosnia

SARAJEVO, Bosnia-Herzegovina (AP) – Expertonan medico a adverti diabierna cu e campaña contra vacunacion ta creciendo na Bosnia, uzando argumentonan científico desacredita pa alimenta e miedo di mayornan, na e pais mas afecta pa e epidemia di sarampi na Europa.

E tendencia aki, combina cu un generacion cu no por a wordo inmunisa a causa di falta di vacuna durante e guerra di Bosnia di 1992-95, a conduci na 5340 caso

di sarampi na Bosnia, segun World Health Organization (WHO).

“Mi ta tende cada biaha mas di mayornan nan miedonan, a causa di e informacion cu nan ta lesa riba internet”, dr. Gordana Banduka, un pediastra di Pale, cerca di Sarajevo, a bisa AP.

Bosnia su nivel di inmunizacion a cay te na 87 porciento, segun hefe di epidemiologia Jelena Ravlija a bisa, cual ta bou di 95 porciento, cual ta loke tin mester pa preveni epidemia.

El a bisa cu e riesgo di efectonan secundario ta mas

abou di e probabilidad di complicacionnan di cacheton of sarampi. Na paisnan desaroya, sarampi ta mata 1 den cada mil persona infecta. Jagoda Savic, hefe di un grupo cu ta campaña contra vacunacion, a bisa cu su grupo a haya 119 caso di complicacion debi na vacuna, cu mayornan kieren, a laga nan yunan cu problemanan fisico permanente, a pesar cu dokternan ta bisa cu mayoria di e malesanan no tin relacion cu e vacunacion.

“E punto ta, cu mayornan no ta confia sistema medico di Bosnia, cual ta un di esun-



nan di mas malo na Europa. E sistema a gaña hende den pasado, tocante e echonan di inmunizacion relaciona cu

vacunanan”, el a bisa.

Muhidin Cosovic di Sarajevo a nenga di laga vacuna su yiu muhe di 6 aña, Leila, contra tur malesa, incluyendo sarampi, como cu e ta kere cu un vacuna comun contra malesanan, ta culpabel pa su yiu homber di 8 aña su encephalopathy. E conexion entre e vacuna y e condicion di su yiu, nunca a wordo proba, pero insinuacionnan asina ta loke ta motiva mayornan pa no vacuna nan yunan.

“Mi a perde e bataya pa proba cu mi yiu homber su malesa a wordo causa pa e vacuna, pero mi no a perde e derecho di bis’e publicamente”, Cosovic a bisa. □



warehouse SALE

AWE DIASABRA

8:30-2:00

AMC UNICON EAGLE WAREHOUSE



PROBECHA!

Televisions 40" LED desde 650 Florin

Microwaves Stainless desde 165 Florin

Audio Mini Syst desde 350 Florin

Washer Full Auto desde 650 Florin

Dryer desde 650 Florin

Freezers desde 450 Florin

Fridge desde 400 Florin

Stoves desde 450 Florin

Tambe lo tin hopi cos pa Campamento, Small Appliances y Tools !

amc unicon



AMC Eagle Megastore - Tel: 521-1160 • AMC Dakota - Tel: 521-1150 • AMC San Nicolaas - Tel: 521-1170 | Horario: 9-6 Dialuna pa Diasabra.
www.amcunicon.com



Baha peso

Les a pagina B11



Huesped De Palm Tours

Les a pagina B8/B9

BON DIA *Aruba*

Diasabra 28 di Februari 2015 www.bondia.com Email: noticia@bondia.com Tel: 582-7800 Fax: 582-7044 1,50 Florin

Un baluarte di baseball



Les a pagina B4



Team di TK5 di Aruba den pleno preparacion pa Surinam

BRAZIL - E team di TK5 ta preparando duro pa representa Aruba na Surinam, pero diamars atardi a sr. Alan Howell a presenta na e training pa asina mira e desaroyo di e team di Brazil Taekwondo Stichting.

Alan Howell a papia cu e team y a splicanan con importante ta pa haci deporte y cu e team bou guia di Clifford Rasmijn tin dos aña consecutivo campeon na Surinam di e TK5 di 9-11 aña. Clifford Rasmijn a splica con e training pa TK5 ta hinca den otro y kico tur e ta haci pa asina tin e team bon motiva. □



Taekwondo Bond a entrega number di atletanan cu a destaca na 2014



conta e clasificacion di e weganan di Centro Americano na Santo Domingo na unda cu dos atleta a clasifica den nan categoria.

Aruba su Taekwondo a canta gloria tambe na Surinam, Bolivia, Corsou y Orlando. Ademas e atletanan di Aruba a biaha tambe pa Hulanda, Azerbaijan, Costa Rica, Mexico, Canada, Las Vegas y Alemania. Artbo a conoce un total di 9 campeonato na Aruba.



ORANJESTAD - Diaranson atardi Artbo a entrega e comision di Excelencia den Deporte e numbernan di su atletanan di Taekwondo cu mas a destaca durante di aña 2014.

Durante di aña 2014 Aruba por a conta cu participacion na 12 pais na unda cu e atletanan for di infantil te cu adulto a sa di pone e bandera di Aruba na laira. Especialmente na Chile na e weganan di Sur Americano, sin



Artbo ta wak atras ariba un aña 2014 cu hopi logronan entre su miembronan y atle-

tanan. E aña aki ta premira ariba mas medaya pa pais Aruba. □

Comision di Coordinacion di IOC

Ta mira progreso solido mientras cu RIO ta prepara pa e Weganan Olimpico



Aruba - Comision di Coordinacion di Comité Olimpico Internacional (International Olympic Committee - IOC) a mira progreso solido durante su di ocho bishita na

mira Rio 2016 aumenta nan actividadnan hopi, ora cu nan ta alcanza un nivel mas halto di detaye den nan planificacion, mientras cu nan ta prepara nan mes pa entrega 21

terio di su Gobierno, como tambe di autoridadnan di Estado y di e ciudad." Bach a participa tambe den un reunion cu Gobernador di e Estado di Rio Luiz Fernando Pezão, e Alcalde di e ciudad di Rio Eduardo Paes, y Ministro di Deporte George Hilton, y hunto cu e Comision a haci un bishita di inspeccion na e Parke Olimpico.

Papiando na final di e bishita Presidente di e Comision di Coordinacion El Moutawakel a bisa: "Nos ta contento di a mira e progreso solido cu ta wordo logra den preparacion pa e Weganan di Rio 2016. E avancen den e Parkenan Olimpico na Barra da Tijuca y Deodoro ta sumamente alentador, cu ambos area riba e bon caminda pa laga un legado fantastico pa e pueblo di Rio y pa e atletanan di Brasil. Sinembargo, e ekipo di Rio awor ta drentando e fase mas intenso den e preparacionnan pa e Weganan, cu ta nifica un nivel halto di detaye mientras cu nan ta prepara pa un cantidad di test evento."

El a continua bisando: "Cu 21 evento di prueba planea pa e aña aki y un cantidad impor-



tante di e miho atletanan di mundo biniendo Rio pa test e instalacionnan, Rio 2016 tin hopi pa cumpli cu ne mientras cu nan ta preparando pa e Weganan. Nos ta contento pa mira cu Rio y su partnernan gubernamental a crea structuranan cu ta permiti nan pa atende cu loke lo bira un aña sumamente intenso, yena cu miles di detaye cu lo presenta prome cu e Weganan. Nan mester sigura tambe cu e instalacionnan deportivo keda cla na tempo pa e eventonan di prueba. E cancha di golf, e velodromo y e sitio di cross-country tur tin planificacion di tempo hopi agresivo cu mester wordo cumpli durante e proximo lunanan."

Durante e reunionnan e Comision a enfatisa diferente area, incluyendo acomodacion y transporte, caminda

falta trabou pa wordo ehecuta ainda e aña aki pa sigura cu e experiencia di e Weganan por wordo garantis na e nivel di mas halto pa e atletanan, participantenan y e publico cu lo atende e eventonan.

Durante su reunionnan, e Comision di Coordinacion tambe a ricibi actualisacion di e organisadonan den areanan manera servicionan na atleta y Comitenan Olimpico Nacional, na e Comitenan Paralimpico Nacional, deporte y Federacionnan Internacional, operacion na media, miradonan, transporte, eventonan di prueba, marketing, tecnologia y e Weganan Para olimpico.

E proximo bishita di e Comision di Coordinacion na Rio de Janeiro ta programa pa luna di augustus. □



e ciudad sede pa e Weganan Olimpico di 2016 Rio de Janeiro. Instalacionnan deportivo ta tumando forma y un cantidad di aspecto manera benta di ticket, envolvimento di boluntarionan y e relevo di e torch Olimpico ta activo caba. E desaroyonan positivo aki ta bin na un momento cu e organisadonan na Rio ta drentando e fase operacional di e proyecto. E fase aki lo

test evento e aña aki.

E Comision a wordo acompaña durante un parti di su bishita pa Presidente di IOC Thomas Bach, cu a dirigi un delegacion, incluyendo e Presidente di e Comision di Coordinacion Nawal El Moutawakel, pa reuni cu Presidente di Brasil Dilma Rousseff, cu un biaha mas a expresa apoyo total pa e Weganan "na tur nivel y minis-

Internacional Shotokan Karate Do Shobukai

A inaugura su segundo Dojo na Aruba

ORANJESTAD - Den un ambiente di hubileo I festivo diaranson ultimo Vereniging WSKU Aruba y Fundacion WSKU Aruba a inaugura nan Segundo dojo na Aruba.

Esaki lo ta bou di guia di Shidoin. Robert Silva, prome Dan di Internacional Shotokan Karate Do Shobukai,

kende den ultimo añanan a sa di recoge bastante experiencia internacional participante na campeonatonan y seminarionan den exterior.

Na e acto di apertura tawata presente diferente representantenan di gremio di deporte, tawata presente Sr. Gomez representando ASU, Sra. Joselin Croes y Sensei. Paul Langer ta representando

AKB, Igualmente representantenan di Dojo Boje y Japan Karate Do Ryobu Kai.


Aki Kyoshi. Jose Witik, President di Internacional Shotokan Karate Do Shobu cay tambe representante pa e continente di America I Caribe di e organizacion grandi cu ta "The World Shotokan Union" a hiba palabra y a menciona e tremendo trabou

di e organizacion na Aruba cual den 2 aña di tempo despues di un reorganizacion a sa di crece di un dojo cu 2 faha preto cu 5 alumno pa awor tin 7 faha preto Cual es ta: Sensei Gustavo Velasquez, Sensei. Jose Miguel Lamelo, Sensei. Hector Simosa, Shidoin Robert Silva, Shidoin Juan Ras, Shidoin Juan David Velasquez y Shidoin. Ma-

rio Antonio Croes, y mas di 80 alumno a riba e fecha ey inaugurando un Segundo dojo.

Academia WSKU Aruba lo ta habri pa comunidad di Aruba tur na Gymzaal di La Salle College, diamars, diahuebs atardi di 5:30 PM te cu 7:30 PM y Diasabra 10 AM, pa mas informacion por yama na : 6900573 of 6628823. □

Celebracion special di e carera di Gaby “Mr. Baseball” Illidge



ORANJESTAD- Famia, amigo y esunnan cu ta sostene Gabriel “Gaby” Illidge, conoci como Aruba su “Mr. Baseball” cu hopi alegria a tuma parti na e bautismo di su buki y apertura di e museo ilustrando su carera y logronan.

Illidge, ademas di ta un baluarte den e deporte di baseball na Aruba, tambe ta conoci como un comerciante determina, kende cu hopi pasion a traha pa pusha baseball y otro deportenan padilanti.

Diaranson tambe tabata dia cu Illidge a haci aña y husutamente a scoge e dia aki pa e lansa su buki y habri un museo dedica na su carera y su logronan den baseball. Tabata un honor pa Malta Balashi ta parti di e evento aki como sponsor. Naturalmente no a haci a falta un regalo special pa Gaby Illidge, cu a wordo presenta na e baluarte pa representantenan di Malta Balashi, esta Willeke Kok y Wendell Bennet.

E buki, un autobiografia, ta describi e carera y bida di e



hungado di baseball, lider y comerciante Gabriel “Mr. Baseball” Illidge. E buki, cu ta hiba e sub titulo “I am a winner”, batisa pa su nieto Jeff-Lee, yiu di Shaul Illidge. E buki ta inclui un CD cu un entrevista cu Boy Antoin di Boneiro a haci algun aña pasa cu Gaby Illidge.

Jewell, e otro nieta di Illidge, a corta e sinta, asina oficialmente habriendo e museo. E museo ta un trabao di amor, un dedicacion na baseball; e ta un area cu sr. Illidge a planea hunto cu su casa, un maestro di scol pa hopi aña. Sr. Illidge a expresa e deseo di un dia por pone su coleccion den e edificio na otro banda di caminda di Charlie’s Bar, unda cu antes tabata RBC Bank. Esaki ta un luga cu ta mas den wowo di publico, tanto e hende local como turista.

Den su coleccion, por chemo-



pel, tambe tin un cantidad basta grandi di “pin”, cu ta resultado di hopi aña di biha cu seleccion di Antias y despues di Aruba so. Durante torneonan internacional semper e hungado y dirigentenan ta hiba e pin di nan pais cu nan pa intercambia cu otro. E obheto di mas bieu den su coleccion ta data di aña 1959, ora cu Illidge a bay muda pa Corsou pa cuater aña. Durante di su prome aña

na Corsou el a sali campeon di bate.

Sr. Illidge a expresa hopi palabra di gratitud pa The Tropical Bottling Company y na Wendell Bennet, kende e conoce pa hopi aña y tabata un gran respaldo tur ora cu e tabata acerca e compania pa yuda cu e desaroyo di hungadonan di baseball hoben y e deporte di baseball en general. □





Concierto Dominical “Donny Lacle”

Diadomingo 22 di februari na The French Steak House di Manchebo Beach Resort & Spa tabata yen di tempran.

Pa nos e tabata un honor pa cuminsa nos mainta cu presentacion di Sra. Olga Orman. Olga ta skirbi prosa y poesia y e mainta aki Olga a recita diferente poema for di su ultimo obra “Cas di biento”. Pero e poema “Mi cuenta”, cu el a dedica na nos idioma Papiamentu, cu pa añanan largo a lucha pa sobrevivir, a impresiona un y tur.

Olga Orman tin basta aña ta biba na Hulanda, na unda el

a skirbi diferente buki di poema y buki storia pa mucha na Papiamentu.

Despues a sigui un presentacion di 33 estudiante di IPA bou guia di nan profesornan sra. Mayra Kock –Garrido y sra. Rosemarie Provence. E studiantenan ta den di tres grado y ta preparando pa nan stage den exterior. Esunnan presente a disfruta di e diferente canticnan, tanto di Aruba, manera “Gosa bon” y “Dalia”, como entre otro di Cuba y Venezuela. Nos ta desea e studiantenan aki hopi exito den futuro.

Durante intermedio a pasa rond cu e “famoso” caha di glas, den cua esunnan pre-

sente a deposita un donacion pa yuda nos hobennan cu talento cu nan studio den cualke ramo di musica. Y Sra. Bep Bastiaanse, un bishitante fiel di nos conciertonan, a dedica un poesia na e MC, pa asina yama danki pa su esfuerso pa presenta e concierto tur fin di luna.

Despues di pausa a toca turno na e Indjannan di Macuarima, bou guia di sr. Roy Sneek.

Na 1969 un grupo di estudiante di IPA a presenta e musical “Amor di Kibaima”, skirbi pa Lio Booi (d.f.m.)

Roy Sneek y su grupo di Indjannan lo ripiti e bunita presentacion : “Amor di



Kibaima” cu nan a duna na Biblioteca Nacional, mas o menos un luna y mei pasa, pa conmemora Lio Booi (d.f.m.). E integrantenan di e tempo ey cu ainda ta na bida lo t’ey diadomingo pa interpreta e canticnan di “Amor di Kibaima”, compania instrumentalmente pa diferente musico. Algun di e canticnan cu na a canta tabata: Aurora, Lamento di Kibaima, Wacharaca y Chanita.



Y “Recordar es vivir!” Nan a finalisa cu e merengue “Arroyito Cristalino”, cu ta un di piesanan cu durante e prome Concierto Dominical 15 aña pasa a keda presenta. E siguiente Concierto Dominical” lo tuma luga dia 29 di maart 2015, di 11.00 a.m. pa 1.00 p.m.. Entrada ta gratis y tur hende ta bonbini! □

Mercado di Santa Rosa

Prome Mercado di Santa Rosa pa aña 2015 ta priminti di lo ta espectacular

ORANJESTAD – Diadomingo awor dia 1 di maart, Departamento di Agricultura, Cria y Pesca, cariñosamente yama Santa Rosa lo habri su portanan un biaha mas pa asina brinda pueblo di Aruba e oportunidad pa cumpra nan cuminda crioyo, fruta y berdura fresco cosecha den Cunucunan local, productonan herbal traha na Aruba y hopi mas.

Riba e dia aki lo tin un cantidad grandi di tentnan presente bendiendo entre otro; johnny cake, pastechi, cala, hotdog riba grill, snacks vegetariano, cabrito, cabes cu higray yocolishi, papaya, como tambe concomber stoba.

Lo tin tentnan bendiendo diferente sopi manera sopi di

cabrito, di lama y carni. Tambe lo tin presente e famoso platonan di Lionfish manera sopi, nuggets y ceviche di lionfish.

Pa esunnan cu lo ta busca di algo dushi lo tin tentnan bendiendo driguidek, mancaron, bolo y cocada.

Manera semper lo tin productionan herbal traha na Aruba specialmente productionan di aloe.

Awa di coco, ginger smoothie, likeur di casho, pica, mata herbal, simia, fertilizier organico, pinda fresco, chorizo, siroop di lamunchi, berdura fresco y hopi mas lo ta na benta durante e Mercado aki.

Otro producto cu sigur ta wordo hopi busca ta e biña

traha di honing local, un producto cu ta wordo traha cu orguyo dor di e propio apicultor di Santa Rosa.

Departamento di Agricultura, Cria y Pesca, Santa Rosa kier extende palabranan di invitacion na pueblo completo pa forma parti di e prome Mercado di Santa Rosa pa aña 2015, riba diadomingo 1 di mei cuminsando for di 8or di mainta te cu 1or di merdia. E dia aki lo ta yena cu e dushi ambiente crioyo pa cual Santa Rosa ta conoci pe. Santa Rosa ta spera di por conta cu comunidad completo di Aruba bin demonstra nan amor y gradicimento na tur e Agricultor, Criado y Piscadonan kende ta traha duro pa por provee pueblo cu fruta, berdura, carni y pisca fresco. □

Na señor Miguel Barrera



Awe ta cumpli 86 aña di bida tata, welo, bisawelo hopi stima señor Miguel Barrera.

E ta haya pabien di su 7 yiuunan, tur su nieto y bisanietonan.

Tambe e ta haya pabien di su yiu sin dolor Nito Kock. Sin laga afo famia Kock y tur su amigonan, pero specialmente di Jaime. Nos tur ta warda bolo awe. Un bolo cu 86 bela ta grandi suficiente pa parti. Hopi bendicion di Dios. □

ANUNCIO



FATAMORGANA

Ta bende e miho graniet blauw. Nos por plame tambe.

587-1990 Den siman di 8 or pa 4 or

Velocidad halto a causa cu auto a bolter



SASAKIWEG - Tabata diabierna den careda di 1'or marduga cu riba caminda di Sasakiweg ta sucede un accidente di auto basta se-

rio unda un auto lo a bolter. A despacha unidadnan policial pa e sitio cu hopi urgencia.

Na yegada ta bin topa cu un Kia Sportage boca abou pero e chauffeur mes a sali sin herida di e accidente pero tabatin dolornan na curpa.

Polis a compronde cu velocidad halto a hunga un rol unda despues e auto a bay dal riba un baranca banda di caminda pa despues bolter.

Ambulance a acudi na e sitio y e personal medico a atende cu e victima y transporte pa hospital pa atencion medico mas avansa. □

Chauffeur coriendo ta zwaai riba caminda



SAN NICOLAS - Un chauffeur cu tabata coriendo ta zwaai riba caminda diabierna marduga a haci cu algun automobilista a yama polis pa raporta e peliger aki.

Patruyanan di tanto San Nicolas como di Santa Cruz a cuminsa tuma e caminda di Rooi Frances pa wak si por topa cu e chauffeur irresponsabel aki cu ta bayendo direc-

cion pariba. Algun rato despues Polis ta haya otro informacion cu e auto aki ta bayendo awor direccion pabao. Na e salida di e caminda di Rooi Frances na e crusada di

Mondi Fierno, polis ta topa cu e chauffeur. Polis ta para e Nissan Sentra.

E chauffeur tabata bou influencia di alcohol y ora cu a pone supla.

E no tabata tin e alcohol mas den su sanger cu e lo a bebe pasobra e persona a supla net e limite cu a pone cu no por a detene pero si lo haya un multa. □



Persona burachi ta tripi di maneha un Buggy

ORANJESTAD - Diabierna marduga Polis a keda informa cu riba L.G Smith Boulevard tabatin un per-

sona coriendo un Buggy bayendo direccion pariba cu luz paga y e tabata trece bida di hende den peliger.

Patruya di Playa a sali cu urgencia, y ta core riba e caminda indica pa busca e supuesto

Buggy. Na altura di Waf a logra localisa e Buggy cu realmente tabata core cu luz paga. E chauffeur tabata bou

di influencia di alcohol pero no a pasa e limite di e alcohol y Polis a opta pa hiba e chauffeur su cas. □

Homber cu machete a atraca y a bay cu basta placa

CALABAS— Central a haya yamada cu na haltura di un cas na Calabas, un atraco a caba di tuma luga. Polis a bay na e sitio y eyan nan ta papia cu e homber G, kende ta bisa cu mas o menos 23.50, el a yega cas y ora cu el a baha for di e auto di trabou, diripiente el a wordo ataca pa un homber cu tabata scondi tras di algun baki di sushi pariba di e cas. E homber tabatin un machete largo, cu un T-shirt cora rond di su cabes y bisti cu un T-shirt preto, jeans y sapato maron. El a duna otro descripcionnan di e homber. El a

grita G, pa duna su persona e placa cu tur dia ey el ta busca pa Subway. Ta trata di 22.000 florin. E sospechoso a bringa cu G y el a haya klap cu e banda plat di e machete riba su lomba y su elleboog. Despues e homber a core bay direccion panort cu e placa y G, a perde for di bista den scuridad. E bisiña a bisa cu mas o menos 23.25, ora cu el a yega cas, el a tende e cachonan blaf den direccion di e bakinan di sushi. Pa un of otro motibo el a haya miedo y a drenta su cas y cera e porta na yabi. Atraco Team y departamento di Recherche tecnico a wordo poni na haltura y a bin na e sitio pa investigacion. Durante patruya, riba e caminda de Montaña pa Seroe Janchi, Polis a mira un homber cu ta cuadra cu descripcion. Polis a puntra e homber su nomber, el a bisa algo y a haci un gesto cu su mannan bisando bay di aki. Polis a bay pa baha for di e auto y e homber a cuminsa core. Polis a bay su tras, pero a perde for di bista. E habitante di Montaña 20 a bisa polisnan cu el a tende stap tras di su cas y un di su portanan no tabata na yabi. Ora cu el a sali pafo, el a mira cu a cacho tabatin miedo, supuestamente nan a dal e. Polis a pidi e señora permit pa drenta den su cas, y nan a busca pero no a haya nada. Tambe Polis a controla riba e plench di e scol basico Felipe B. Tromp. Eynan Polis a haya algun klas local cu tabata habri. Tambe polis a controla den e matanan, pero sin resultado. □

Ladron cu airco y algun articulo di coriente



PALM BEACH— Central ta manda Polis na un cas na Palm Beach pa un ladronia. Na e sitio, Polis a papia cu e muhe B.V.F kende a bisa cu desconocinan a bay cu su airco. E trahado na e cas a mira lastronan di taira riba e caminda dilanti di e cas. Riba e vloer tabatin azeta, supuestamente di e airco. Ora cu e señora a controla den e cas y a mira cu ladron a bay tambe cu diferente articulo electronico. Esaki a tuma luga entre 16.30 pa 08.15. Polis a tuma e keho. □

Turistanan Venezolano a tende hende riba dak

WAYACA— Central a manda Polis di Playa na un cas na Wayaca, na unda a drenta informacion cu tin un hende riba dak di e cas. Polisnan cu casualmente tabata riba e caminda na haltura di Wayaca Falls a bay na e sitio. Na e sitio, Polis a papia cu e habitantenan, y ta parece cu nan ta turista Venezolano y tabata basta spanta. Polisnan a controla rond di e cas y tambe paden y pafo, pero no a haya nada particular. Polis a trankilisa nan. □

Ta yama polis pa homber desconoci den cura di bisiña

ORANJESTAD— Central a manda Polis den Dominicanesse straat pa un situacion sospechoso. Na e sitio, Polis a papia cu e habitante di e cas, kende ta bisa cu dos homber cu e no conoce tabata cana riba tereno di su bisiña. Ora cu e grupo homber a mira, nan a core bay. Polis a controla den bisindario, pero no a topa cu e homber. □

Homber maltrata cu piedra den su cara

SAN NICOLAS— Central a manda Polis na Peking Restaurant na San Nicolas pa un atraco. Na e sitio, Polis a papia cu e homber A.A. kende ta bisa cu el a wordo maltrata pa tres homber, como el a nenga di duna nan placa. Tambe e ta bisa cu e homber nan ta biba den Caya Jose Geerman. Na e sitio, Polis a papia cu J.J. Mientras cu e tabata papia, A.A. a coy un piedra y a dal J.J. na e banda drechi di su cara. Dor di esey, J.J. a haya un kap na su cara. Polisnan a detene A.A. y a hiba e na warda di Polis. □

Ladron ta kibra caha fuerte y bay cu joyas

BUBALI— Central ta manda Polis na un cas na Bubali pa un kiebro. Na e sitio, Polis a papia cu e homber N, kende a bisa cu el a bay hiba un persona aeropuerto y a haya un yamada cu e alarma a zona na su cas. N, a yama e bisiña y a bisa e persona pa e bay controla. E bisiña a bay y a mira cu e porta dilanti di e cas tabata habri. Ora cu el a pusha e porta, el a mira tres homber sali for di camber y a core bay pafo dor di e porta patras. Segun N, nan a forsa e caha fuerte y a

Cachonan los ta causa basta problema na Topaz

bay cu joyas y paspoort. Polis a tuma e keho.

NOORD— Central ta manda Polis na un cas na Topas, na unda e habitante a haya molester di cachonan den bisindario. Na e sitio, Polis a papia cu e habitante S, kende ta bisa cu e ta biba ocho luna na e cas y di e dia ey, e tin problema cu cachonan cu ta cana los, cu ta pertenece na e habitantenan den e bisindario. E ta bisa cu hopi biaha, e cachonan ta drenta den su cura y den su veranda. E ta bisa cu e tin problema cu e cachonan, no solamente nan ta haci fastioso, pero tambe ta atake. Recientemente el a perde su cacho cu a wordo ataca y mata pa un di e cachonan. S, ta fada di e situacion y kier pa tuma accion relaciona cu e ley di cacho. Polis a splica S, cu tin mester di mas personal y nan lo tin e atencion necesario di su caso. Despues cu el a haya e descripcion di e cachonan, Polis a bay na e doño di e cacho pa papia cu ne. E doño no tabata na cas of no kier a sali papia cu Polis. Polis a laga un copia di e ley di cacho atras pa e

doño den box. Polis a bisa S, pa yama polis, si e cachonan bolbe molestia e persona. Tabatin diferente cachonan ta cana los den Topaz, di cual un cantidad tin un doño den

Topaz cu no kier duna e cachonan cuminda y a laga e bestianan henter dia cana los. S. kier pa pone atencion di e situacion, como cu el a bira traumatiza, despues cu un ca-

Ladron a bay cu caha bashi di negoshi

ORANJESTAD— Un homber ta yama di e negoshi di J.A. Nieuw y ta avisa un ladronia. E ta bisa cu un homber a cana drenta den e negoshi y a coy e caha y a core bay. Despues el a drenta den un auto preto y a bay di e sitio. E auto tabatin e number V-2008 y ta registra riba un auto Kia Rio 2012, di Super Car rental. Central a manda Polisnan na e sitio y eyan nan a papia cu e homber R.P. e ta bisa cu ora el a drenta den e garashi, el a mira un homber desconoci dilanti e porta di garashi. Despues, el a drenta paden y a bay cu e saco di placa. Ora cu el a sali pafo, el a mira cu e homber a coy e caha di e baki di pickup y a core bay. R.P. a bay tras di e homber y a mira cu el a drenta den un auto preto cu glas tint y a bay. R.P. a bisa cu e caha tabata bashi. R. P a duna descripcion di e sospechoso. Polis a papia cu un testigo, kende a bisa ora el a bay parkeer su auto, el a mira un auto preto cu e number V-2008 para na e crusada. Tambe e ta bisa cu e auto tabata haciendo sospechoso. El a pensa cu e chauffeur tabata purba parkeer. Polis a papia cu un testigo, kende a bisa cu e sospechoso a cana tres biaha bay na e porta di garashi. Despues el a mira sali di e garashi cu un caha blauw den su man y a drenta den e auto. □

Palm Beach Plaza Mall a percursa pa huespednan di De Palm Tours



Palm Beach Plaza tin un programa pa e aña 2015 unda cu nan lo kier invita tur e gruponan di conciérge si por den su mayoria, tur hotel di Aruba pa por presenta y introduci na nan loke ta e centro comercial.

E biaha aki tabata tin e grupo di mas grandi cu ta De Palm Tours, cu ta den hotelnan manera Marriott, tur dos Riu, Divi, unda cu a conta cu e ayudo di e clientenan manera Kalin, Piazzia Italia, cu a percursa pa nan bebida di bon bini. White restaurant a percursa pa nan snacks di bon bini. Taste of Belgium a percursa pa nan

plato di cuminda, fuera di esey pa un tremendo un stacion special pa cerbes di Belgica y uno di Pizza. Tur e otro clientenan di e centro comercial cu ta den di tres piso a percursa pa pone un detaye chikito manera un bon di regalo of un regalo.

A entrega cada un, incluyendo den e pakinan e flyernan di Palm Beach Plaza, pa asina por promove Palm Beach Plaza entre e turistanan cu ta yega na e isla y cu nan ta busca e ayudo y informacion di e conciérge nan cu ta trahadonan di Palm Tours.

E evento aki tabata exclusivamente pa Palm Tours. Tabata trata aki un total di 40 persona cu a participa na e evento aki. E plan ta pa sigui na fin di maart, comienso di april. E idea ta pa sigui pasobra e prome grupo tabata pa Marriott Trade Winds y Ritz Carlton. Awo a haya Palm Tours. E plan ta pa sigui di abao bay ariba. Segun secuencia mester acerca Holiday Inn, Playa Linda y Occidental.

E restaurantnan cu ta forma parti di Palm Beach Plaza ta percursa pa loke ta bebida y cuminda. Manera anuncia, White Restaurant ta percursa pa e cuminda, pero pa motibo cu tabata trata di un grupo hopi mas grandi, a dicidi di comparti entre White y Taste of Belgium pa e gusto di purba no keda riba un solo restaurant, pa asina duna e presentacion di e diferente sorto di cuminda cu tin na e centro comercial. □

Skirbi pa Drs. Adi Rasmijn Parti 2

Di con iglesianan (cristian) ta contra Era Nobo?

Segun nos Iglesia, New Age ta opina lo siguiente encuanto Hesus:

1. E figura historico di Hesus (manera Vaticano ta mira Hesus) ta diferente cu e Cristo eterno, impersonal y universal di Era Nobo. E nucleo divino cu nos tur tin, por ser curasha y stimula di tal manera, cu nos tambe por bira 'ilumina'; esta, na tal momento nos a realisa e consciencia Cristo (christ consciousness). Segun New Age, Hesus a logra yega asina leu – pero e consciencia Cristo no ta mara na su persona. En principio tur hende por yega eynan – loke e team obviamente ta haya nonsens.

2. Pues, Era Nobo no ta mira Hesus como e unico Cristo, sino otronan - p.e. Gautama Buda (= e iluminado) - tambe ta wordo considera figuranan Cristo;

3. E no a muri na cruz. Of por lo menos: manera e Cristo, e no por a sufri. Den un di e bukinan di Walsch, si ta wordo bisa cu el a muri na cruz y cu el a logra resucita su mes.

4. Documentonan extra biblico (manera p.e. e evangelionan neo-gnostico) ta wordo considera fuentenan autentico pa haya sa mas encuanto Hesus. Otro revelacionnan tocante e, di parti di guianan spiritual y otro Maestronan eleva, ta importante pa e cristologia di Era Nobo;

5. Un tipo di exegesis esoterico ta ser aplica riba e textonan biblico cu e meta pa isola y saca e informacion no contamina pa e religionnan cristian.

Contrario na loke ta para akiriba, den e tradicion cristian Hesu Cristo ta Hesus di Nazaret, di cual e evangelionan ta papiando; e yiu homber di Maria y e unico yiu di Dios, berdaderamente hende y berdaderamente Dios; e revelacion completo di e berdad divino y e unico Salvador di mundo cu den cielo ta sinta na man drechi di nos Tata. Mi comentario: ningun parti den e cuatro evangelionan ta para cu Hesus a yama su mes e unico berdadero yiu di Dios. Iglesianan cristian ta pone Hesus riba un pedestal haltisimo cu e unico meta pa evita, cu cualkier persona por hinca den su cabes pa sigui su ehemplo y bira manera e. No, e mester keda e unico berdadero yiu di Dios cu a

bin na mundo pa kita nos picanan y di tal manera salba nos for di fierno (den un articulo extenso algun aña pasa, mi a bari e nocion ey [pica] for di mesa – consecuentemente tambe e interpretacion cristian di Hesus). Cu otro palabra: aki Vaticano ta nenga cu cada un di nos den nos desarojo spiritual en principio por yega mes leu cu Hesus. Y



na mes momento ta contradeci Hesus mes y ta lubida loke su propio catecismo ta siña!

Diescincio aña pasa mi a publica un articulo ("Pakico Hesus a laga nan crucifica E") den cual mi a demostra cu Hesus a predica ideanan místico cu ta conta pa tur hende. Un parti di e articulo lo mi encera aki. Aparentemente E kier a duna un cierto mensahe cu su morto. Cual mensahe awor ta asina importante cu El a scoge pa wordo claba na cruz pa di tal manera haya atencion di un y tur? Ciertamente pasashinan den bijbel ta forma e contesta; esta, cu un ser humano tin e disposicion y e habilidad pa uni su mes cu su Creador den tal grado cu ni fisicamente e por wordo destrui (su alma/spirito ya caba tin bida eterno).

Den Juan 2:19-21 Hesus ta bisa: kibra e tempel aki y dentro di tres dia lo mi resucita - E ta papiando di e tempel corporal, pues su curpa. Y e 'prueba' cu ta berdaderamente cu su curpa El a resucita y no tabata trata di simplemente un apariencia di spirito, por wordo deduci for di Lucas 24:39: "mira na mi man- y pianan cu ta trata di mi mes; mishi cu mi y ripara

cu un spirito no tin carni y weso manera bo por mira cu ami tin". Cu su crucifixion y resurreccion Hesus kier a muestra tambe cu bida ta sigui despues di e transicion cu nos ta yama 'morto'.

Con pa splica cu un ser humano ta capabel pa uni su mes den un grado basta halto cu su Creador? E contesta:

pasobra en esencia e ta un ser divino, crea segun e imagen di Dios (Genesis 1:27). Manera ya caba menciona, Hesus tambe a sali for di tal punto di bista. Den un discusion cu otronan, cu a tilda Hesus di ta cometiendo blasfemia "pasobra abo, un hende, ta haci bo mes Dios", E ta replica: "no ta para skirbi den bo Ley: boso ta Dios" (Juan 10:34). Y El a contesta e farizeonan cu "bo no por mira e reino di Dios acercando; tampoco bo por bisa: mira, aki e ta of aya! Pasobra e reino di Dios ta den bo mes" (Lucas 17:20-21, King James). Y Pablo ta bisa den 1Cor. 6:19 di e mesun biblia cu "..... your body is the temple of the Holy Ghost, which is in you therefore glorify God in your body and in your spirit".

Manera mi a bisa akiriba, e team di Vaticano den su analisis di e movimiento Era Nobo a lubida cu Iglesia Catolico tambe ta su skirbi/aproba e pensamiento místico! Den alinea 460 di e catecismo oficial ta para: "... pasobra e Yiu di Dios a bira hende pa haci nos Dios". Y e Papa ta continua: ... pa E (Hesus pues) haci hende Dios". Na luga di e palabranan aki, kisas ta miho pa bisa di e siguiente manera: "El a

bin na mundo pa muestra nos cu su ehemplo (finalmente su resurreccion) cu en berdad ta posibel pa nos tur, pa uni nos mes den un grado hopi halto cu nos Creador". En todo caso bo por ripara aki cu e iglesia catolico tambe ta comparti e vision místico. E no por haci otro tampoco, pasobra tur e Santonan grandi tabata un místico!

Aparentemente e intencion ta, pa e ser humano, riba e planeta aki, realisa su disposicion pa ta uno cu su Creador; na un otro manera bisa: e intencion ta pa nos expresa nos Creador na e manera mas halto cu nos por imagina nos mes. Alabes esaki ta forma e contesta riba e pregunta grandi di tur tempo "ki sentido e bida aki tin"?

Cual tabata e punto di salida mas importante di e místico mas grandi di tur tempo?

1A. Lo bo stima Dios cu henter bo curason, cu henter bo alma, cu henter bo mente y cu tur bo forsa. B: Y lo bo stima bo prohimo manera bo Mes (Marco 12:30-31). 'Bo Mes', mira akinan NO como bo ego/personalidad, sino como e parti mas divino di bo ser.

Referente A: Contrario na loke e biblia y tradicion cristian kier pa nos kere, Hesus a kibra por completo cu e pensamiento hudu di un dios yen di rabia, masha vengativo y rencoroso. El a presenta e mundo occidental di e tempo ey (el imperio Romano) un imagen nobo di Dios; esta, un Dios cu ta stima su creacion – pues tambe e ser humano – incondicionalmente; un Dios cu bo no mester busca den un tempel, un misa of altar, sino cu mester wordo

busca na prome luga den bo mes (un bes mas: mira e palabranan di Lucas akiriba).

E confianza den Dios y amor pa Dios di parti di Hesus tabata increíblemente grandi ("no mi voluntad, pero esun di Bo sea haci". Of: "Tata, mi ta gradici Bo cu Bo a scucha mi. Ami mes sa cu semper Bo ta scucha mi ...") (Juan 11:41-42).

Encuanto B: den un otro parti di e bijbel Hesus ta bay mas leu ainda y ta siña nos pa te hasta stima nos enemigonan y cu nos mester resa pa esunnan cu ta persigui nos. Ademas, semper bo mester keda perdona bo prohimo (70 bes 7, Mat. 18:22; aparentemente 'perdona un otro' tin un nificacion spiritual inmensamente grandi). Den e terminologia di awendia esaki ta wordo bisa di e siguiente manera: cu bo mester siña stima incondicionalmente. Pues "lo mi keda stima bo – maske kico bo bisa of haci"; den esaki bo mester concentra bo mes mas riba e alma (e parti mas divino) di e persona en kestion y no asina tanto riba su ego of personalidad. Esaki ta haci e tarea casi sobre humano ey un poco menos difícil pa ehecuta. Hesus ta sigui bisa: "anto bo lo ta perfecto manera bo Tata celestial ta perfecto" (Mat. 5:48). E frase aki ta muestra claramente cu en principio tur hende por yega asina leu; no ta algo exclusivamente di Hesus. Esaki ta keda comproba tambe for di locual E ta bisa di e persona cu ta kere den loke E ta siña: "e obranan cu ami a haci, e tambe por haci y mas grandi ainda" (Juan 14:12).

Conclusion: asina terriblemente exclusivo Hesus no a mira su mes! Di acuerdo cu esaki, e no a mira su mes como e unico yiu di Dios. Esey e iglesianan cristian a haci di e, cu e meta pa haci Hesus mas grandi posibel y haci abo – segun nan, e pecador eterno – mas chikito posibel. Un otro conclusion ta, cu e berdad mas grandi di catolicismo, esta, e parti místico manera akiriba menciona, ta mescos cu e nucleo mas profundo di New Age. Concerniente esaki, mi por bisa cu en berdad nan no ta morde otro – no obstante tal hecho, uno ta keda bira bashi y e otro ta keda bira mas grandi. □

Skirbi pa Cuckoo Press

Maneranan facil pa kima caloria y baha peso



Hopi hende no gusta haci ehercicio. Aunke e ta algo necesario, nos ta considera asina mes e ta un molester. Nos tin un milyon di excuus pa no mester haci ehercicio.

Pero pa tur cos tin solucion, y mi a bay busca algun manera facil pa bo kima caloria sin mester haci ehercicio, soda y cansa e curpa:

1. Sacudi bo pianan.
 Usualmente ora hende ta nervioso nan ta keda sacudi



nan pianan. Tur movecion cu bo haci ta pone cu bo ta kima caloria, pues si bo kier kima algo extra, na lugá di sinta keto, sacudi bo pianan. Purba haci esey mas lihe posibel. No worry si hende kere cu ta nervio bo tin of ta pishi bo tin wanta.

2. Subi trapi y salta trapi
 Mayoria lugá tin lift, pero na lugá di cu e lift, subi trapi. Anto no subi nan un pa un, sino salta un. Despues di algun luna, bo pianan ta bira fuerte y sexy.

3. Texting

Ken no ta manda texto awendia riba telefon? Manda mensahe, whatsapp, Facebook etc. keda move bo dedenan te ora nan bira lam.

Den un ora lo bo kima 132 caloria. Papia cu hopi hende, y purba haci esey mas lihe posibel.

Mas lihe bo haci esey, mas caloria bo ta kima. E ta baha tur bo bateria si.

4. Hari

Harimento ta salud. Banda di cu e ta baha stress, y ta un bon ehercicio tambe. Bo musculonan di cara ta wordo

bon di train, plus e ta bon pa bo musculonan abdominal. Basila un hende cu ta pone bo hari, y den tres luna, lo bo tin "sixpack" ta marca.

5. Baña cu awa friu

Hende su curpa mester keda mantene cierto temperatura. Na momento cu bo temperatura baha bo celnan di cuero ta manda señal pa bo cerebro pe tuma accion.

Bo cerebro na su turno ta activa bo musculonan pa nan cuminsa aplica cierto trikinan pa subi bo temperatura di curpa.

Pues bo curpa ta cuminsa move su so. Te hasta bo ca-

cumbein ta cuminsa haci ehercicio si e awa ta bon friu.

6. Flit un cacalaca cu ta bula

Mi no sa di bo, pero manera mi mira nan bula, ami ta saca careda core limpi bay. Pa despues bo tin cu bay buscanan, bolbe flit, bolbe core etc.. Tremendo ehercicio

7. Uza macutu, na lugá di garoshi den supermarket
 Bishita bo supermarket cu regularidad, y na lugá di coy e garoshi, coy un macutu. Mas yen e macutu ta, mas pisa e ta bira.

Pasa den e rijnan un pa un, y cana duro. Cada biaha cu bo tin cu coy un producto, pone e macutu abou, despues hisa esaki bek.

Despues di algun luna bo ta kima algun kilo y bo musculonan di brasa ta bira sexy.

8. Sunchimento, masturbacion y relacion sexual
 Mas cu claro, esakinan ta e



ehercicionan cu tur hende gusta. Nan ta facil y dushi. Sunchimento ta kima mas o menos 70 caloria pa ora. Cu masturbacion bo por kima 6 caloria pa minuut. Mas largo y mas rapido bo haci esey mas caloria bo ta kima. Relacion sexual por kima entre 150 pa 250 caloria den djis mey ora.

Si bo kier haci esey mas intensivo, invita un persona mas, ya asina bo tin dos hende pa satisface y train riba dje. Si bo homber ta bin cla un bes of ta tene relacion sexu-



al laf, bende riba mercado y busca otro.

Si bo muhe no gusta relacion sexual of tur ora e tin excuus, hinca e muhe den auto y baha e cerca e soeurnan di convento.

Si bo tin un casa, un galiña y un cos na banda, bo no mester bay gym mes mas. Bo ta keda asina cansa cu lo bo no tin forza ni pa lanta fei cama.

Si bo sigui tur mi consehonan den tempo record lo bo tin curpa di modelo cu tur hende lo envidia. □



SUA tin directiva nobo



ORANJESTAD - Diabierna ultimo na Universidad di Aruba, a tuma luga e instalacion di e directiva nobo di SUA. SUA ta e Student Council (Conseho di Estudiante) di Aruba. Eleccion pa e directiva nobo a tuma luga dia 5 di december 2014.

Bou auspicio di MC Luciano Milliard y den presencia di Rector Glenn Thode, Parlamentarionan Evelyn Wever-Croes, Rene Herde y publico presente a tuma despedida di e directiva anterior di SUA y instala e Directiva nobo di SUA. E dos miembronan di e directiva anterior, ex-presidente



te di SUA Yanelis Jimenez y tesorero Chris Habibe ta bay continua cu e reto aki den e Directiva nobo.

E Directiva nobo di SUA lo ta existi di Bryan Vieira (Presidente), Chris Habibe (Vice Presidente/Tesorero), Gisele-Mireille Sint Jago (Secretaria), Tian Xie y Dan-

ielia Piazzzi (PR) y e presidente di e directiva anterior, Yanelis Jimenez lo ta activo como consehando di maneho. Presidente Bryan Vieira, estudiante di Facultad di Ley, a presenta e mision y vision di SUA y a desplega e puntonan di accion cu e directiva nobo lo bay traha riba dje. Cada miembro di directiva



tambe a presenta su mes, su motivacion y metanan personal pa a tuma e reto aki.

Na final tur e invitadonan y studiantenan por a disfruta di un anochi ameno organisa pa e Directiva nobo di SUA, den e bunita hardin di Universidad di Aruba, caminda tur hende por a intercambia nan ideanan. □

Minister Oduber:

Ta enfoca riba e metanan pa aumenta produccion local

Minister di Sector Primario Otmar Oduber a bin Aruba cu noticianan sumamente positivo for di Republica Dominicana pa loke ta trata agricultura.

Manera Minister Oduber a splica lo cuminsa entrante mei un proyecto piloto di tres luna, pa importa fruta y berdura pa consumo di comunidad Arubiano. Esaki lo wordo haci a traves di Santa Rosa caminda lo haci uzo di e mercadonan cu nan tin pa brinda comunidad e oportunidad pa por obtene fruta y berdura manera antes tabata tin na nos waf chikito. Aki por pensa hasta pa por ehempel bay den barionan pa asina aki demostra e comerciantenan cu tabata t'ey y importadornan di Aruba cu ta interesa pa tuma esaki over cu e meta cu e mester significa un reduccion den prijsnan.

Ta pa e motibo aki mes e programa piloto aki lo ta uno beneficioso pa e comerciantenan local. Mirando e impacto di calidad cu nan ta pone peso riba dje y e rekisitonan cu ta wordo poni riba dje pa Merca y Europa ta casi sigur cu Re-



publica Dominicana por garantisa Aruba cu e lo por tin berdura y frutanan fresco na un prijs rasonabel y brinda e oportunidad na comunidad completo pa asina biba mas saludabel y yuda baha gastonan tambe. Esaki sigur lo ta na beneficio di e local como tambe pa e hotelnan cu ta consumi asina hopi pa cu nan huespednan akinan na Aruba. E motibo pa e sosten di Gobierno pa esaki ta pa muestra cu e prijsnan por wordo reduci y laga espacio habri pa e comerciante interesa pa haci uzo di esaki, mirando cu Gobierno no t'ey pa haci negoshi, pero e t'ey si pa trece oportunidadnan. E mandatario ta kere cu ora cu bo por haya for di e mes un destinacion mas importadornan di Aruba cu

ta importa fruta y berdura esey mes lo regula e competencia y yuda baha e prijs. Pa loke ta trata e productornan local e mandatario a sigura cu esaki no lo kita ningun estimulo pa cu e cunukeronan local, al contrario e produccion local tabata e topico principal pa loke ta trata e encuentronan na Santo Domingo. 'Nos a muestra riba e hecho cu Aruba tin menos di 1% cu ta wordo produci localmente y hopi biaha loke ta wordo produci no ta yega na comunidad y ta wordo cumprador di restaurantnan y comunidad mes no ta haya e oportunidad pa disfruta di esaki cu ta sigur un producto hopi mas saludabel. Den e cuadro aki Minister Oduber a indica cu su meta



ta y lo sigui ta pa promove cultivo local. Diferente acuerdonan y proyectonan pa yuda nos agricultornan local pa reduci nan gastonan. Pero na e momentonan aki e produccion local no ta suficiente pa por abastecer e demanda existente y ta necesario pa sigui importa y na Republica

Dominicana a haya e calidad, cantidad y consistencia cu nos isla mester. E meta cu Gobierno a pone ta cu pa 2020 lo kier logra yega un produccion local di entre 15-20% y a papia esey na Republica Dominicana y Aruba por conta cu nan sosten pa Sector Primario. □

Trekkingslijst van de Landsloterij

5de Trekking																										26 Februari 2015																									

Receta di MAMA

• BON APPETIT • BON APPETIT • BON APPETIT • BON APPETIT •

Torta di Carni y Keshi

Ingredientenan:

- 4 ons di Keshi na slice
- 4 cushara grandi keshi parmesan
- 2 ons di keshi na bloki
- 1 bleki peas & carrots mediano
- 1 ½ liber bsteak mula
- 12 oliepi sin pipita geslice
- 2 paki rasenchi chiquito
- 2 cuchara grandi di alkapara
- 10 snechi pan lazje
- 1 bleki mushroom geslice
- 2 ½ telep oregano
- 3 tenchi konoflo machica
- 1 ½ telep curi
- Netumuskat curi
- Sous di soya
- 4 webo bon bati
- ¼ cup di lechi den 1/8 cup di awa

Preparacion:

Tempera e bsteak mula cu oregano, netumuskat, curi, comino, y poco sous di soya. Despues di a caba tempera e karni ta pone e tenechinan di konoflo machica den un panchi cu masha nada di azeta, pa asina nan hasa djijs un tiki y despues ta pone e karni cushina den e azeta cu konoflo. Mientras e karni ta na candela ta hunta un panchi di pyrex cu poco res of (meteca na bo gusto) y hariña di pan. Despues ta bati e webonan bon hunto cu e lechi y awa. Kita e casca dje snechinan di pan y pasan den webo y pone nan den bom dje planchi. Mientras tanto ta kaba prepara e karni cu e rasenchi, oleifinan geslice alkapara y tambe mushroom geslice. Ora cu caba di prepara e karni ta pone dos slice di keshi. Mei mei y for di un distancia di otro, ta pone mitar dje kantidad di keshi na bloki bloki corta pa despues tapa e karni cu slicenan di keshi. Ripiti e prome pasa cu resto dje karni y blokinan di keshi y bolbe tapa esaki cu e sobra keshi geslice. Ora caba ta basha e resto di webo riba e keshi y ta stroi e keshi parmesan pa despues tapa e planchi cu un pida foil. Hinc e planchi den forno na un temperatura di mas o menos 375grado pa 45 minuut pa asina e keshi por smelt bon y despues ta kita e foil pa e haya un bunita color bruin. Corta e torta di keshi aki despues di a laga e torta fria unn poco, pa asina e por corta mas mihor.

Bon Appetit!

Sudoku BON DIA, train bo mente

	9	3	1		5	6	4	
7								5
5		1	2		9	3		7
2								3
	3	6	9		7	5	2	
9								1
3		2	4		8	1		9
6								4
	4	7	3		2	8	5	


	1	2				3	4	
8			3		2			5
7			4		1			6
	6	5				9	8	
			5	4	3			
	2	1				4	5	
2			6		9			8
1			7		8			4
	9	8				7	6	

Bon bini na Sudoku Bon Dia. Riba e pagina aki nos ta brinda bo tur dia tres sudoku den e siguiente secuencia, Facil, Medio. Pa resolve bo ta pone number den cada cuadra di tal forma cu cada rij crusa of bay abou tin e number un solo biaha. Tambe den cada cuadra chikito compara cu esun mas grandi tambe tin e numbernan 1 te cu 9. E number tampoco no por ripiti den e cuadra chikito. Trahando cu e numbernan cu tin poni caba ta yuda bo yega na e solucion. □

Woordzoeker

C A E I L O J G Z E I W
M U F J S V E E G T I K
D L B I A E R I S J P L
Q X Z D M R U I N E R F
F S R G A V Z J A R I L
Q N R F R A A K O I E E
N E G N I L L E H C S O
O U N Y T L E N E H T N
S O I A A E M I R O E T
N R K O A N F S B N R F
A R N I N S D X E E S E
S L E V I E T S R W U R
P O H N E H E E G T Z M
W E T G E L E E R D E I
G I T R A H M R A B J N
N N E B B E H F E I L G

barmhartig
gelijkenis
herberg
Jericho
Jeruzalem
Jezus
Levi
Levi
liefhebben
naaste
olie
ontferming
overvallen
priester
Samaritaan
schellingen
wetgeleerde
wijn



DOCTER

NA WARD
Oranjestad

Feb. 28 Dr. Cayama
Maart 1 Dr. D. de Cuba

EMERGENCIA

911



POLIS	100
POLIS	581-1100
ORANJESTAD	582-4000
NOORD	587-0009
STA. CRUZ	585-4710
SAYANETA	584-7000
SAN NICOLAS	584-5000
BRANDWEER	115
BRANDWEER	582-1108
POLIS TIPLINE	11141
HOSPITAL	527-4000
AMBULANCE	582-1234
SAN NICOLAS	
AMBULANCE	584-5050

BOTICA

Oranjestad: Trupiaal Tel: 583-8560
San Nicolas: San Nicolas Tel: 584-5712

SERVICES

INFORMATION	118
SETAR	582-2116
TAXI	582-5900
TAXI-TAS	587-5900
PROF. TAXI	588-0035
TAXI D.T.S.	587-2300
SERVICE ARUBA	583-3232

CRUISESHIP

Maart 2
Coral Princess
Monarch
AIDA Luna

MORTUARIO

AD Patres	584-2299
Aurora	588-6699
Mementomori	583-3358
The Olive Tree	584-8888

FOUNDATION

FELLOWSHIP CLINIC

Tel: 584-6440
Alcoholism & Drug Addiction,
Anonymity guaranteed

FUNDACION

Anti-Droga

Aruba

(FADA) Tel: 583-2999

FUNDACION

Respetami

Tel: 582-4433

Diabetic Foundation

Arubano

Tel: 583-3808

Narcotics Anonymous

Tel: 583-8989

Foundation Amor

pa Prohimo

Tel: 583-3345 / 586-6976

Women in Difficulties

Foundation

Tel: 583-5400



MEGAPLEX 8
caribbeancinemas.com/aruba



LIKE OUR NEW FACEBOOK PAGE

f Caribbean Cinemas Aruba

FEBRUARY 26 - MARCH 4

NEW THIS WEEK!




WILL SMITH | MARGOT ROBBIE

focus

WITH SPANISH SUBTITLES

MON-THURS 4:00 | 6:00 | 8:20
FRI 4:00 | 6:00 | 8:20 | 10:40
SAT 3:50 | 6:00 | 8:20 | 10:40
SUN & HOL 3:50 | 6:00 | 8:20

MON-THURS 4:50 | 7:10 | 9:30
FRI 4:50 | 7:10 | 9:30 | 11:50
SAT 2:30 | 4:50 | 7:10 | 9:30 | 11:50
SUN & HOL 2:30 | 4:50 | 7:10 | 9:30



OLIVIA WILDE | EVAN PETERS

THE LAZARUS EFFECT

PG-13

MON-THURS 5:35 | 7:35 | 9:35
FRI 5:35 | 7:35 | 9:35 | 11:35
SAT 3:35 | 5:35 | 7:35 | 9:35 | 11:35
SUN & HOL 3:35 | 5:35 | 7:35 | 9:35



COLIN FIRTH | TARON EGERTON

Kingsman
THE SECRET SERVICE

MON-FRI 3:50 | 6:35 | 9:20
SAT 3:50 | 6:35 | 9:20
SUN & HOL 3:50 | 6:35 | 9:20



DAKOTA JOHNSON | JAMIE DORNAN

FIFTY SHADES OF GREY

MON-THURS 4:05 | 6:45 | 9:25
FRI 4:05 | 6:45 | 9:25
SAT 1:50 | 4:05 | 6:45 | 9:25
SUN & HOL 1:50 | 4:05 | 6:45 | 9:25



ANTONIO BANDERAS | TOM KENNY

THE SPONGEBOB MOVIE
SPONGE OUT OF WATER

3D VERSION
MON-THURS 4:20 | 6:30 | 8:35
FRI 4:20 | 6:30 | 8:35 | 10:45
SAT 2:10 | 4:20 | 6:30 | 8:35 | 10:45
SUN & HOL 2:10 | 4:20 | 6:30 | 8:35

2D VERSION
MON-FRI 5:00 | 7:05
SAT 2:55 | 5:00 | 7:05
SUN & HOL 2:55 | 5:00 | 7:05



KEVIN HART | JOSH GAD

THE WEDDING RINGER

WITH SPANISH SUBTITLES
MON-THURS 4:50 | 7:05 | 9:20
FRI 4:50 | 7:05 | 9:20 | 11:35
SAT 2:30 | 4:50 | 7:05 | 9:20 | 11:35
SUN & HOL 2:30 | 4:50 | 7:05 | 9:20

STARTING NEXT WEEK

UNFINISHED BUSINESS • CHAPPIE • MCFARLAND USA

Download our NEW APP

Available on the App Store

ANDROID APP ON Google play

Palm Beach Plaza | Aruba | 586-0074

Atencion pa cambio di fecha:

Curry Blake ta e ministerio di sanacion mas reconoci y renombra entre tur e iglesianan mundial y ta un honor pa por introduci pa prome biaha aki na Aruba.

Esaki lo ta un evento cu Curry Blake di John G. Lake Ministries cu lo duna un Healing Divine Technician Training y riba diadomingo 01 di maart, e ultimo anochi lo tin ministerio di sanacion

na tur esunnan cu mester. Nos a pospone e evento pa diabierna 27 februari, diasabra 28 februari & diadomingo 1 maart. E orario ta keda mescos manera anuncia. 7PM e servicio di Sanacion lo ta awor na Celebrations Church Aruba. Nos ta pidi disculpa pa e inconveniencia aki cu ta fuera di nos alcance. Kiermen e prome sesion lo ta diabierna 9am-12pm / 2pm-5pm. □

E plannan pa un fiesta of algun tipo di reunion mester hopi di bo tempo y energia. Bo numernan di awe 5, 12, 28 y 30.

Aries

Aunke cu porta bo ta lanta awe sintiendo un poco malo, a medida cu e dia ta bay, bo lo bolbe ta e mesun persona di semper. Bo numernan di awe 7, 15, 20 y 32.

Tauro

Esaki ta un gran dia pa cuminsa cualkier proyecto cu tin di haber cu skirbi, actua of papia. Bo numernan di awe 6, 19, 23 y 35.

Geminis

Si awe ainda bo no a dedica na plantacion of decoracion interior ta posibel cu bo ta descubri bo talento den un of tur e areanan aki y dicidi pa nan. Bo numernan di awe 3, 18, 22 y 36.

Cancer

Awe bo ta gosa di hopi energia y di un gran entusiasmo pa bida. Ta posibel cu bo ta desea di hunta cu algun di bo amigonan, incluso bo por improvisa un reunion. Bo numernan di awe 7, 21, 30 y 32.

Leo

Un oportunidad pa haci algo di placa por aparece awe via un hende cu bo conoce un poco, porta di un evento social cu un biaha ambos a asisti. Bo numernan di awe 6, 28, 32 y 46.

Virgo

Un evento social of reunion di grupo por cende bo entusiasmo acerca di obhetivo nobo. Bo numernan di awe 11, 19, 27 y 34.

Libra

Awe bo por cuminsa traha riba un proyecto cu bo kier a realiza desde hopi tempo. Bo numernan di awe 12, 19, 27 y 33.

Scorpio

Awe bo ta expandiendo bo horizonte. Abo y un amigo por plania un vakantie cu ta duna bo emocion di berdad. Bo numernan di awe 21, 30, 39 y 50.

Sagitario

Awe un posibel relacion amoroso nobo y emocionante por explota den bo bida. Bo numernan di awe 2, 31, 40 y 44.

Capricornio

Algun bon noticia acerca di b carera por yega na bo oido via rumornan. Bo numernan di awe 4, 31, 40 y 51.

Aquario

Por lo tanto, esaki ta un gran dia pa cuminsa un compania nobo cu porta tin di haber cu bo cas, of casi cualkier tipo di mehoracion vital. Bo numernan di awe 2, 8, 32 y 36.

Pisces

Fanatico di ‘Los Simpson’ ta mustra cu Springfield no ta keda na Merca

E fanatico ta afirma cu Springfield ta keda den e hemisferio sur di mundo. Segun e posicion di e luna den un di e episodionan nobo di e serie, e astronomico Phil Plait a determina cu e ciudad ta keda na e hemisferio zuid di mundo.

Ta mas di 25 aña pasa cu e serie di “Los Simpson” a wordo estrena, e comedia anima aki tin mas tanto tempo na television cu ningun otro, y den curso di tempo e ta wordo considera e clasico cu lo keda biba di generacionnan tras generacion. Hopi di e televidentenan cu ta sigui e serie fielmente ta asocia e serie cu echanan cu ta sosode den bida di tur dia. Hasta bo ta haya televidentenan cu sa cierto dialogo for di nan cabes

y nan ta capaz di citanan na e momento exacto, esey ya no ta nada straño.

Sinembargo, tin un cos cu ni sikiera un fanatico fiel di e serie por sa cu siguridad, esey ta : e ubicacion exacto di Springfield. Cua ta e motibo? Na Estados Unidos e ta un di e nombrenan mas comun denter di e ciudadnan di Merca.

Cu e diferencia cu algun aña atras e creado di e famia geel, Matt Groening, a sigura cu e pueblo unda cu Homero, Marge, Bart, Lisa, Maggie y compania ta biba, a wordo inspira na Oregon, hopi a nega di kere tal informacion y nan ta sigui busca ta na cua estado e ciudad ta pertenece.


Awor, a sali un teoria nobo di un fanatico, un astronomico yama Phil Plait, ta sigura cu



Estados Unidos. Es decir, e satellite tabata ubica den direccion di banda drechi, siendo cu na e pais di Noord America e mester ta ubica na e banda robesou.

Conclusion di e astronomico ta cu e ora Springfield di “Los Simpson” no ta keda na Estados Unidos, sino cu e mester ta ubica na e hemisferio sur. Di e forma aki, Plait a bolbe habri un debate den e rednan social. E pregunta cardinal ta: na unda realmente e ciudad di e famia geel ta ubica?

Te ainda humanidad no sa si



realmente Springfield no ta keda na Estados Unidos, sino cu e ta keda den e hemisferio sur di mundo.

Segun informacion di “Time”, e teoria di Plait ta basa riba e ubicacion di e luna den e episodio “The Musk Who Fell to Earth” (“E mascarada cu a cay riba mundo”), di e temporada actual di “Los Simpson”, den cua e creado di Tesla Motor, Elon Musk, ta yega e ciudad y e ta bira amigo di Homero. Den e capitulo ey, tin un escenario cu ta hunga den oranan di anochi unda cu e luna ta

aparece creciendo. Na e momento ey, Plait a tuma nota di algo straño: e luna tabata ubica di forma contrario pa un ciudad cu ta keda na

Plait tin rason cu su teoria, ya cu Groening no a haci referencia na e tema, aunke cu hopi a tuma e postura cu ta trata di un eror di e pintura den e serie anima. □

